



सानसेयारि **“बड’सा”** ख्रीर्लाइयाव
स्माजयारि जिउजो लोब्बा थानाय रायथाय, खन्थाय,
स्ल’, स्ल’बाथा आरु दावबायारि थावनि, पार्क
बाइदिनि स्मायाव लिन्नाय लिन्दिबो दैथाय हर्/
सानसेयारि **“बड’सा”** ख्रीर्लाइया स्वेबर्गानावै
फोस्वगोन/
बड’सायाव लिन्दिन्नायनि हुडा खलाम,
“बड’सा” ख्री नोथां, जौ बयबो आंगो खलाम।
सानसेयारि बड’सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Monday ★ 26 May, 2025 Kokrajhar, BTC, Assam ★ Vol.-35, Issue No.61 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

फैगौ बि टि सि बिसाइख 'थिखौ लानानै बरबारिआव मुसलपुर जिल्ला इउ पि पि एलनि मावसुमा मेल

मुसलपुर, 25 मे: बाक्सा जिल्लानि सदर मुसलपुर खाथि बरबारियाव दयाल शरनियानि मेल सामलायनायाव मुसलपुर जिल्ला इउनायटेड पिपुल पार्टी लिबारेल गुसुडै इउ पि पि एल दोलोनि दिनै मोनसे मावसुमा मेल जानानै थाडे। बे मेलाव इउ पि पि एल दोलोनि खामानि मावनाय, आदब खायदा आरो फैगौ बिसायख 'थिखौ लानानै गुवारै सावराय लायो होन्नानै मोनथिनो मोन्नाय जादों। बे मेलआवनो इउ पि पि एल दोलोनि आफादगिरि थामहिनबा बि टि आरनि गाहाइ मावफुं



सोद्रोमा प्रमद बर'आ बाहागो लानानै दोलोनि मावथिफोरखौ दोलोनि मावनांगो खामानि आरो फैगौ बि टि सिनि जानो गोनां

बिसाइख 'थिनि सोमोन्दै गुवारै बिबु'थि लाखियो। लोगोसे बिथाड खौरां बिजोनि गेजेरजों फैगौ बिसाइख 'थिआव बाहागो

लानो थाखाय इउ पि पि एल दोलोआ थियारि बेनि थाखाय मोन 40 बियाबावबो मोन 3200 बुट फोरारव खामानि

मावनाया सोलिगासिनो दं होन्नानै फोरमायो। बि जे पि दोलोजों गोरबनानै बिसाइख 'थि गेलोगोन गेलाया बेनि सोंथियाव फोरमायनानै बुखेदि, बे समाव गावबा गाव दोलोआ खामानि मावगासिनो दं। खौसे गेलोगोन गेलाया बेखौ सम फैयोब्ला खौरां बिजोनि गेजेरजोंनो फोसावगोन। हाग्रामाखौ जाखल 'नायनि थाखाय जेलाव दैथायगोन बुनाय बाथानि सोंथियाव बिथाड फोरमायोदि, आं साजा होनो जेलारबो नड जालादबो नड। लोगोसे बिथाड साजा होनाया मोनने रोखेम दं आयेन बादियै (□ 6 बिलाइआव)

कार्बिआलं जिल्ला बर' थुनलाइ आफादनि बान्जायनायाव 52 थि थुनलाइ गाथोन हाबाफारि खुंदों



हावराघाट, 25 मे: कार्बिआलं जिल्लानि सिडव थानाय देनगावनि खावरि फोथाराव कार्बिआलं जिल्ला बर' थुनलाइ आफादनि लोगो नेहाथारि सनिहा बार्लारिनि न'खराव सानसेनि हाबाफारिजों थुनलाइ गाथोननि 52 थि हाबाफारि खुनाय जायो। कार्बिआलं जिल्ला बर' थुनलाइ आफादनि बान्जायनायाव खुनाय बे 52 थि थुनलाइ गाथोननि

हाबाफारिनि लोब्बायैनो बर' रावनि खन्थाइ आवरायनाय हाबाफारिबो लाफानाय जायो। कार्बिआलं जिल्ला बर' थुनलाइ आफादनि आफादगिरि आरो साहित्य अकाडेमि बान्था मोनगिरि अरबिन्द' उजिरनि मासि लानानै दैदेन्नाय दिनैनि बे 52 थि थुनलाइ गाथोन हाबाफारियाव बाहागो लाफानाय (□ 4 बिलाइआव)

बाक्सा जिल्लानि कुरिबिलआव फिरफिला हान्जा सुरनाय हाबाफारि



सालबारि, 25 मे: काश्मीरनि पेहेलगामाव पाकिस्ताननि उदखारिफोर दावबायारिफोरनि

सायाव गाग्लोबनायनि उनाव हादरनि गाहाय मन्थि नरेन्द्र मदिनि गोखों दैदेन्नायाव

अपारेशन सिन्दुरखौ भारतीय रैनिया हान्जाया गोखोडै गावसिनि गोहोखौ दिन्थिनानै अपारेसनखौ जाफुंसार होनायनि थाखाय हादर नाडेनो साफ्रोमबो नोगोरिफोर साबायखर बावदों आरो गोजोन्नाय फोरमायदों। बेखौ लोब्बा लाखिनानैनो दिनै दावहानि थाखाय थियारि जानानै थानाय रैनियाफोरनि साहस आरो थुलुंगा जगायनायनि थांखिजों गासैंबो भारत वर्शआवनो त्रिंगा एबा माहिरिनि फिरफिला दावबायनाय हाबाफारिखौ लागासिनो दं। (□ 6 बिलाइआव)

गोजान जान्थाइआव थानाय दावबायारि रेलनि स्तपेज होनाय दाबिजों दिनै बासुगाव रेलवे स्टेसनआव धरना होनाय हाबाफारि लानाय जादों

बासुगाव, 25 मे: बासुगाव रेलवे स्टेसनआव धुबुरी कामाख्या इन्टरसिटि, क सविहार-कामाख्या इन्टरसिटि, कानसंजंगा एक्सप्रेस बायदि बायदि गोजान जान्थाइ थानाय दावबायारि रेलनि स्तपेज होनायनि दाबिजों दिनै धरना एबा सोमावसारनायनि हाबाफारि लानाय जादों होन्नानै फोरमायथिदों। मख 'नो गोनांदि, आसाम प्रदेशनि शिबसेना (□ 4 बिलाइआव)

आबहावा सैरखाथि आरो फिटनेस सांग्रांथिनि थाखाय कक्राझाराव खौरांगिरिफोरनि साइकेल रेलि



कक्राझार, 25 मे: सुबुंफोरनि गेजेराव आबहावा सैरखाथिनि फारसे सांग्रांथि लाबोनाय आरो गोम्गो देहा लाखिनाय एबा फिटनेसनि फारसे सांग्रांथि लाबोनाय थाखाय दिनै कक्राझाराव खौरांगिरि हानजाया मोनसे साइकेल रेलि खालामदों। स्पर्टस अट्रिफिटि अफ इण्डिया, कक्राझारनि बानजायनायाव फिट इण्डिया सानडे अन साइकेल बिपुंजों कक्राझार प्रेस क्लबनि खौरांगिरिफोरखौ लानानै दिनैनि (□ 6 बिलाइआव)

उदालगुरिआव बिजेपि दोलोन मावख'आव मन की बातनि हाबाफारिजों लोगोसे 'त्रिंगा यात्रा' हाबाफारि



उदालगुरि, 25 मे: बिजेपि दोलोआ उदालगुरि जिल्लानि मावख'आव हादरनि गाहाय मन्थि नरेन्द्र मदिआ साफ्रोमबो नोगोरिफोरनि एबा सरसनस्त्रा सुबुंफोरखौ सांग्रांथि होनायनि थांखिजों होनाय 122 थि खोन्दो मन की बातनि हाबाफारिखौ मावफुडे। भारतीय जनता पार्टी उदालगुरि जिल्लानि केसियार गान्दा कुंगुर बसुमतारीनि (□ 6 बिलाइआव)

हाग्रामा महिलारिखौ देरहासार होनो थाखाय जिएसपिआ जानजि खाफ्रादों: नब'कुमार शरनिय

कक्राझार, 25 मे: बे खेबाव बिटिसिआव हाग्रामा महिलारिखौ फिन गोहोआव लाबोफिन्नांगौ। बिथांखौ देरहासार जानो थाखाय जों गन सुरक्षा पार्टी सुंद 'थे जिएसपिआ बे समाव माखासे थांखिफोरखौ मावनो थाखाय आखायाव लादों। बे बाथ्राखौ बुंथिदों जिएसपिनि आफादगिरि एबा कक्राझार लक सभा बियाबनि बारग' एमपि नब'कुमार शरनियाआ। सुलुंनिफ्राय मिथिनो मोन्नाय बायदिब्ला,



दिनै कक्राझार प्रेस क्लबआव खुनाय मोनसे खौरांगिरि मेलखौ बेखेवनानै बारग' एमपि नब'कुमार शरनियाआ गोजौआव मख 'नाय बाथ्राफोरखौ (□ 6 बिलाइआव)

आसामनि मुंदांखा फावगिरि रुंसारि फैलाव बसुमतारीनि सारादुखौ खुंफुंबाय

रुंसारि फैलाव बसुमतारीनि गोसोखांथिनि थाखाय बि टि आर सरकारनिफ्राय राहा लागोन: प्रमद बर'

सिमला, 25 मे: बाक्सा जिल्लानि सिमला पुलिस थानानि सिडव थानाय गावनि आंगो गामियाव आसामनि मुंदांखा फावगिरि, लिंरगिरि, मेथाइ रोजाबगिरि रुंसारि फैलाव बसुमतारीनि सारादुखौ दिनै खुंफुंबाय। मख 'नो गोनांदि, थांनाय 22 एप्रिल 2025 इ (□ 6 बिलाइआव)



बासुगाव नेताजी सुभाष बिद्या निकेटन हायार सेकेन्दारि फरायसालिआव गुन गोनां फरायसाफोरखौ बरायदों

बासुगाव, 25 मे: बासुगावनि नेताजी सुभाष बिद्या निकेटन गोजौसिन फरायसालिनि 2006 मायथाइआव खुंनाय सनाथि मायथाइ ट्रस्टनि बान्जायनायाव 2025 इ मायथाइनि मेट्रिक आन्जाद आरो हायार सेकेन्दारि जोबथा आन्जादआव बासुगाव (□ 6 बिलाइआव)



कक्राझार, 25 मे: फैगौ बिटिसिनि बिसायख 'थिनि समआ खाथिनिफ्राय खाथिसिनाव सफैनाय लोगो-लोगोनो आसाम जातिय परिषद राजखान्थि दोलोआ बिजेपि दोलोखौ फेजेन्तो थाखाय बिजेपिआ जाय बियाबआव (□ 6 बिलाइआव)



भवानिपुर, 25 मे: बाक्सा जिल्ला कंग्रेस कमिटिनि बान्जायनायआव सालबारि महखुमा सिडाव थानाय साउदतिआव कंग्रेस दोलोआ दिनै मोनसे जिल्ला थाखोन दैदेनगिरि आरो मावथिफोरनि जथुम खुडे। मखनो गोनांदि, बाक्सा जिल्लानि सालबारि,



मुसलपुर, दिहिय, कक्लाबारि आरो मुसलपुर मोन 5 बिटिसि (□ 6 बिलाइआव)

उदालगुरि डिमाकुसिआव बिजेपि दोलोनि बिसायख 'थिनि दोहौ

सानफ्रोमबो गोबां सुबुंफोरा दोलोआव जयनिं जादों

उदालगुरि, 25 मे: बिटिसिनि बिसायख 'थिनि समआ जेसेबानो खाथिनिफ्राय खाथिसिनाव सफैदों, एसेबानो बिटिसिआव राजखान्थि दोलोफोरनि दोलोफोरा गाव-गावसोरनि दोलोखौ गोखों खालामनायखौ नुनो मोनदों। मख 'नो गोनांदि, उदालगुरि जिल्लानि 32 नं भेराव बियाव आरो 33 नं नने सेरफां बियावआव बिजेपि दोलोआ थाद'नाय गैयाजसे जयनिं हाबाफारि लानायखौ नुनो मोनदों। आथिखालाव इउपिपेलनि (□ 6 बिलाइआव)



पुलगुरि-बापुनगुरिआव गाहाय मन्थिनि मन की बात आरो फिरफिला हान्जा सुरनाय हाबाफारि

भवानिपुर, 25 मे: पाकिस्ताननि उदखारि हान्जाआ काश्मीरनि पेहेलगामाव दावबायहैनाय दाय गैयै सुबुंफोरखौ इनाय अनगारै गाग्लोबनानै जिउ फोजोबनायनि हेंथाय हादरनि गाहाय मन्थि नरेन्द्र मदिनि गोखों दैदेन्नायआव फिन्नाय होनायनि मुडव अपारेशन सिन्दुरखौ खालामनाय जादोंमोन। बिथानि गोखों दैदेन्नायवनो पाकिस्तानआव थानाय उदखारिफोरनि थाप्रा खुलिफोरखौ भारतीय सान्थि हान्जाफोर द्रनजों एबा एयार स्ट्राइक खालामनानै सिलिंखार खालामदोंमोन। जाय जाथाइयाव 100 निबो बांसिन पाकिस्ताननि उदखारिफोरा जिउ गोमानो गोनां (□ 6 बिलाइआव)



सुजुगिरिनि खोलोम

सि-जोम दाग्राफोरासो बर 'नि दानाय-लुनाय हरिमुखौ लाखियो

बुंस हायै समनिक्रायनो गामिआव राइजो जाग्रा सुबुंफ्रा दानाय लुनायखौ गोनां आरिमु महरै गोबाना लाबेदों। बर' माहारिनि गेजेराव बाश्रा फंसे दइ, 'जाय हिन्जावा दानाय लुनायाव आखाय गैया बे हिन्जाव सिख्खाखौ रावबो हाबा खालामा'। बाश्राया नंखाय नइ। गामिआव नख 'रफ्रोमबो साल-गान्दैजों समायना इसानसालि थानायमोन। मेसें बोथोर सौफैनाय लोगो लोगो नख 'र नख 'र सि सोंनाय, नो-खन्नाय, बिनि उनाव गान्दैआव खुन्दुंखौ फान्ना सालाव दानाय। गामिआव हाबहैब्लानो नख 'र नख 'र खालथां-खालथां, माखु गाबनाय सोदोब खोनानो मोन्नायमोन। आथिखालाव नाथाय गामिफ्राव हाबहैब्ला माखु गाबनायखौ बारा खोनानो मोनलिया। मानि जाहोनाव गामिनि आइजोफ्रा सि दानायखौ नागारनो हमखो, बेखौबो गोथोथै साननो गोनां जाबाय। गोदोफोर खुन्दुंखौ गाव गावनो बाइदि रोखोम मुवाजों गोमो-गोथां ,गोजा-गोमो बाइदि रोखोम मुवाजों बाइदि बाइदि गाब गानानै सि दानायमोन। दानिया नाथाय, हाथायाव मोन्नाय गोजा गोथां गोमो बाइदि रोखोम गाबनि खुन्दुं बायनानै दखना, जोमग्रा सिमा बाइदि बाइदि रोखोमनि सि दाबाय।

गोदो गामि गामि इन्दि बिफांनि बागान खालामना एम्फौ फिसनानै फिथोबनिफ्राय इन्दि, खुन्दुं दिहुन्नानै इन्दि सि दानायमोन। नख 'राव जोमनो दोन्नाैबो गुबुन्बो फानहरोमोन। इन्दि सिनि बेसेनआ गोदोनिखुइ आथिखालाव गोबां बांसिनबाय। गोबां रोखोमनि इन्दि सि दानानै दिहुनो हायोब्ला बेनिफ्रायबो गोबां रां मोननो हायो। बेजोंनो नख 'रनि गथ' -गथायनि गान्नाय-जोमनायखौबो बुथुमनानै लानो हायो। आथिखालनि सुबुंफ्रा नाथाय इन्दि सिखौ जोमालासेनो हाथायाव मोनफुंनया बाइदिसिना सि-जोमफोरखौसो बायनानै जोमसै।

सि-जोमनि फालांगि खालामनो माखासे आइजोफ्रा सिगांबोनायखौ नुनो मोन्दों। आइजोफोरनि दानाय-लुनायनि आफादफोर दानानै लानायबो नुनो मोनदोंसै। गोबां रोखोमनि उइभिं सेन्टराव दखना ,जोमग्रा बाइदि बाइदि सि-जोम दानानै हाथाय बाजाराव फाननोबो लाबाय। गामिनि सिख्खालफ्रानो बे उइभिं सेन्टराव एसेल' दानबान्थाजों दानाय-लुनाय हाबाखौ मावनो गोनां जायो। नाथाय बेजों उइभिंनि दाग्राफोरा बेसेबां मुलाम्फा दैखांनो हादों बेबो मोनसे साननो गोनां। नुनो मोन्नाय बादियैब्ला उइभिंनिफ्राय दिहुनजानाय सि-जोमखौ फान्नायनि थाखाय गोनांथि बादियै गुवार रोखोमनि हाथाय गैया। नांगौ रोखोमनि गुवार हाथाय गैयाब्ला उइभिंफ्रा थानानै थानांगौआ गोब्राव। हादतनि बाइजोआवबो बे रोखोमनि हाथाय थानांगोन।

जैरैखि-जाया माहारिनि हारिमु आरो आरिमुखौ फोथांना लाखिनायनि लामाखौबो लाखिलानांगोन। जौनि हालामनि खुंथाया बर' आइजोफ्रा गोदो-गोदायनिफ्राय मावबोनाय दानाय लुनायनि आरिमुखौ फोथांनानै लाखिनांगोन। खुंथायनि बिबानगिरिफ्राबो गामिफोरनि आइजोफोरखौ थुलुंगा होनानै खाथिना जाग्रा सुबुंफोरनो गानग्रा दखना गांसेनि खुन्दुंखौ जगायनानै सरकारा होनो हानांगोन। आथिखालाव गामियारि सुबुंफोरनि हाल-साला गाहाम नलिया। जानाय-लोंनायखौनो जगायनो हायाब्ला गाननाय जोमनायखौ माब्रै जगायनो हानो? जैरैखि जाया थानानै थानायनि राहाखौ गामिनि सुबुंफोरनो होनो हानांगोन। बेनि लोगो लोगो माहारिनि हारिमु आरो आरिमुखौबो फोथानानै लाखिनांगोन।

दिनैनि फान्जामुधि

राशि बाइदियै मुंनि गिबि हांखो

मेष : अ ल	बुष : ऊ ब (उ ए इ)	मिथुन : क छ (ङ घ)
कर्कट : ड ह	सिंह : म ट	कन्या : प त (ण ष)
तुला : त र	वृश्चिक : ब न	धनु : ध भ (ढ़ फ)
मकर : ख ज	कुम्भ : ग श (स)	मीन : द च (ख ज झ)

मेघ

दिनै मानिबा थाखाय गोबां रांखावरि खरसा जानो हागौ। गोसोखौ हमथा।

बृष

जेखि मावा मुलाम्फा खालामनो हागोन। बे राशिनि थाखाय गाहाम सान।

मिथुन

माबाफोर शुभ खामानि मावनो गोनां दडबा मावनानै लानो हागोन। मोजां सान।

कर्कट

बे राशिनि थाखाय शुभ दिन। गोथार हाबा मावनो हागोन। सान्नाया जाफुंगोन।

सिंह

जेखि जाया माबा मोनसे जेनायाव गोग्लैबायनो हागौ। गोसोखौ गोजोन गैयै मोनगोन।

कन्या

जेन्ना-जेंसिफोर थानाया जोबसांनाय नइ। गोजोन्नाय गैयैजों सम बारहोनांगोन।

तुला

जेखि जाया बहाबाफोर दावबायहैनानै गोजोन्नाय लानो हागोन। मोजां सान।

वृश्चिक

मोजां मोनलायनायाव अनलायनाया बांगोन। दौलेंआ गोरा जागोन।

धनु

मावबाय थानाय फालांगियाव गोहोम खोख्खौनो हागोन। फारफ्रोमथिंबो मोजां।

मकर

जेखियानो मावा गोहो-बोलो बाहायनांगोन। गोसो हमथानानै सोलिनांगोन।

कुम्भ

सोरजोंबाफोर दावराव-दावसि जाबाय बायनो हागौ। गोसोखौ हमथानानै थानाया गाहाम।

मीन

बायदिसिना रोखोमनि जेन्नाखौ लानानै जिंगा सिनांनो हागौ। गोसोखौ हमथा।

मन की बात हाबाफारियाव अपारेशन सिन्दुरआ सोलायनाय भारतनि सावगारि होन्ना मदिआ बुंदों

गोदान दिल्ली, 25 मे: भारतनि गेजेरजों 7 मेयाव पाकिस्तान आरो पिअकेआव खालामनाय अपारेशन सिन्दुरनि जाफुंसारनाय उनाव गाहाइ मन्थि मदिआ मन की बात हाबाफारि खालामो। बे समाव पिएम मदिआ बुडोदि, दिनै हादतनाडै उतरखारिनि हेंथायै खौसे जाबाय। दिनै साफ्रोम भारतयारिफोरनो उतखारिफोरखौ फोजोबनो समायखिरा लादों। अपारेशन सिन्दुरनि समाव जौनि सान्थिफोरा जायखौ दिन्थिदों, बेयो साफ्रोम हिन्दुस्ताननि खर'खौ दिखांदों। बे समाव मदिआ दरसे गामिखौ मख'दों, जेराव गिबि खेब बास सौहैदों। बिथाडा बुडोदि, बासजों थांलाय-फैलाय खालामनाया सरसन्स्ता बाश्रा। नाथाय आं नोंथांमोनो दरसे ओरैबायदि गामिनि सोमोन्दै फोरमायनो लुबैदों जेराव गिबि खेब गंसे



बास सौहैदों। बे सानरखौ नेबाय थानाय बेयावनि सुबुंफोरा गामियाव गिबि खेब बास सौहैनाय समाव दल दामनानै बरायो। बे जायगायानो जाबाय महाराश्ट्रनि गडचिरोलि जिल्लानि सिडाव थानाय काटेवरी मुंनि गामि। बेरा फारसे मदिआ छत्तीसगड़खौबो मख'ना बुडोदि, मन की बातआव जों छत्तीसगड़आव जानाय बस्तार अलिम्पिक्स आरो मावबादी गोहोम गोग्लैनाय ओन्सोलफोराव

थानाय साइन्स लेबनि सायाव सावरायखांबाय। बेयावनि गथ'फोरनाव साइन्सनि पेशन दइ आरो बिसोर स्पर्टआवबो गहामै दिन्थिगासिनो दं। बिसोरनि नाजानायफोरनिफ्राय मिनिनो मोनोदि, बे ओन्सोलफोराव थाग्रा सुबुंफोरा बेसेबां साहसी जायो। बे जायगानि सुबुंफोरा गोबां सेलेन्सफोरनि गेजेरजों गावसोरनि जिउखौ साबसिन खालामनायनि लामाखौ सायख'दों होन्ना पिएम मदिआ मन की बात प्रग्रामाव बुंदों।

रागा जोंखांनानै किम जं उनआ सा करियानि सा 3 मावख 'गिरिफोरखौ हमदों



प्यंयां , 25 मे: सा-करियानि दै सान्थि हानजानि थाखाय जोबोद गोनांथार होनना सानजानाय 5,000 टननि फोजोबसांग्रा जाहाजखौ बावैसो फेलें खालामदोंमोन। बेयो सा करियानि दैदेनगिरि किम जंग-उनखौ रागाजों रागा जोंखांदों। बिथाडा बिबान गोनां मावख 'गिरिफोरखो गोखोडे साजा होनो लुबैयो। किम जंगनि बिथोननि उनाव हादरनि शिपयार्डजों सोमोन्दो थानाय साथाम गागि मावख 'गिरिफोरखौ हमनाय जादों। सा-करियानि रायजोआरि खौरां एजेन्सि 'करियान सेन्ट्रल निउज एजेन्सिनि बायदिब्ला, बे जाथाया बै समाव जादोंमोन जेब्ला जाहाजआ बेनि बेखेवनाय फोर्बॉनि समाव खहा जादों, जेराव सा-करियानि

दैदेनगिरि किम जंग-उनआबो बाहागो लादोंमोन। ग्रहसा सावगारिफोराव दावहानि जाहाजखौ फारसेथिं नांनाय आरो गोथां गाबनि टार्षजों खोबजानाय नुनो मोनो, बबेखानि बेनि माखासे बाहागोफोरा दैयाव गोदोनाय नुनो मोनो। बेयो हादरनि दिनैसिम बयनिखुइबो देरसिन आरो आरोंदायारि महरै जौगासारनाय दावहानि जाहाज होनना फोरमायनाय जादों, जाय एट'मिक मिसाइलजों लोगोसे गोदान मुगानि हाथियारफोरजों बानायनो थियारिमोन। किम जं उनआ बे जाथायनि सायाव गोखों रागा जोंखांनाय फोरमायदों आरो बुंदोंदि, जाहाजखौ खहा खालामनाया दायगोनां सांग्रांथि गैयैनि फिथायमोन। बिनि

कच्चि खाथियाव लाइबेरियानि जाहाजआ जाब्रबथायजों मोगा-मोगि जानांदों



21 खौ भारतयारि कस्ट गार्ड सा 3 खौ आइएनएस सुजाताआ रैखा खालामदों। रबिबारनि फुंबिलियाव, सासे रैखाथि सुबुं फोनांजाब मावख 'गिरिया जाथायनि सोमोन्दै फोरमायथि होदों आरो बुंदोंदि, आरोबाव माखासे कन्टेनारफोरा दैयाव

गोग्लैदों आरो जाहाजआ गोथौसिन गोदोबाय। बे जाथाया आबहावायारि खहानि खैफोदखौ बांहोगासिनो दं। भारतारि नेभि रैखाथि सुबुं फोनांजाब मावख 'गिरिया जाथायनि सायाव खामानि मावगासिनो दं। बिथाडा आरोबाव बुंदोंदि, बिगोमा कम्पानीनि गुबुन मोनसे

अहंखारा दोबैनायनि लामा

दान्थे-बिदान्थेनि थाखाय सुजुगिरिआ दायनिगिरि नइ।

-फैलाव ब्रह्म, तामुलपुर

गुबुन हरिखौ बांद्राय फोथायनानै प्रमद बर' बिथाड हाख 'राव गाब्र'बाय। बिटिचियाव अबर'फोरखौ गोजोन होनो जुनै बर'नि थैजों सोलायनानै लाबोनाय बिटिचिनि खाबुफोरखौ लुफावनानै होसेयावबो दिनै बिसोरजोंनो जावजाबाय। मानोना सन्देह खालामजायोदि बिटिचि सोलोंथाय बिफाननि 4 कौटि बिजाब केलेंकारीयाव बिजेपिनि आखाय थानो हागौ। मानोना प्रमदखौ सिलिंखार खालामाब्ला बिजेपिया बिटिचिखौ दखल खालामनो हाया। बे केलेंकारीनि नाटकआव फावनागिरि महरै बिजेपिनि मानसि हाबनानै थानो हागौ। गावनि बिदा-फंबाइखौ जोगारनानै गुबुनखौ खनसायनायनि बिथाइया बिदिनो जायो।

बर' दैदेनगिरिनि आखुवानो आवा-फावा। बर'खौ खनसायनो नागारनानै हाग्रामायाबो नव' कुमार शरनीयाखौ खनसायनो हमदों। हाग्रामाया बिजोंबो थगायजागोन। मानोना बर'खौ सिलिंखार खालामनो मोनसे समाव बियो अबर'नि हाथियार महरै बाहायजादोंमोन। दिनैबो बर'खौ 50/50 खालामनो नव' कुमार शरनीयाखौ बिजेपिया बाहायाखै होन्नानै बोरै बुंनो? मानोना बिटिचिनि बिजेपिया अबर'निनो गुबुन मोनसे महर। मानोना बर' सोमावसारनाय समाव बर' बरेखा खालामनाय दैदनगिरिफोरा बिटिचिनि बिजेपियाव बरेफोर बायदि बाफबनानै दइ। बेनिखायनो बिजेपिखौ फोथायनायानो बर'नि गोरोन्थि।

राबणआ रामजों जेनगोनखो नख 'रजों लोगोसे राबणआ गावबो मिथिगौमोन। थेवबो गावनि अहंखारखौ दफथायनो हायैयाव रामजों दावहा नाडो आरो जेनो। दिनै बर' दैदेनगिरिफोरनि हालोतआबो बे बायदिनो जानो थांगासिनो दइ। हारिनि गेजेराव खौसे जायाब्ला बर'फोरा जेनगोनखौ मिथिसेयावबो अहंखारनि नारसिननायाव सासेया सासेनि सिडाव गावखौ बाउसोमा। नांगौब्ला हारियानो सिलिंखार जाथों। अहंखारा दोबैनाइनि लामा। बर' दैदेनगिरिफोरनि अहंकारानो बर' हरिखौ हाख 'राव गाब्र' होसिगोन। हारिनि थै बोहै होनानै लाबोनाय बिटिचिखौ सुथुरनि आखायाव हगारसिगोन।

खाइसे बर'फोरा हारिनि जायै जायै देरनानै गावखौ हाथायाव फानदों आरो गोबाड फाननो जुनै सारियाव गसंदों। गावखौ फाननो हानाइ दिनैनि बेसेनखौ हारिनि सुबुडसो बांहोदोंमोन। नाथाइ गादि आरो रांनि माया जेआव फासिनानै बिसोर ओरैबायदि अहंखार जाबायदि बिसोर बबेबा थिरांथा लानाइन सिगां हारिनि सुबुंनियाव बिथोन लानांगौ होन्नानै गावखौ साना। बिस्वजित दैमारी आरो इम्मानुयेल मुसाहारी मोनहा बेनि फोरमानखौ होबाय।

जाय बिजेपिया प्रमद बर'खौ सान्थिनि थान्दै होन्नानै फोसावदोंमोन आरो बाहायबोदोंमोन, बै बिजेपिया प्रमदनि आथिंखौ मन'ग्रोनानै दा खर'खौबो मन'नो लाबाय। दैमारिखौ बाहायनानै बिटिचियाव हाबनायनि गेट पासखौ लानायनि उनाव दैमारिनि बंश फोलेरखौनो जिबौफोर बायदि मन'नो जागायबोदों। बिजेपिनि बे बुजि मोने मायाखौ दैमारियाबो खबर गैया। दैमारीया खबर गैयैनि जाहोना जादों दैमारिया दासान्दै बिजेपिनि स्लिपिं टेप्लेट जानानै रोहो रोहो उन्दुसन्नानै दइ। जेब्ला सिरि मोनगोन अब्ला हारिनि आथिं आखाइ नागिरनानै मोननाय नंला। मानोना दैमारीया बिटिचियाव सालान लाबोनाय फिथिगम जिबौवा बर' हरिखौ मन'गासिनो दइ।

भारतनि नसुंसेनि हादर आफगानिस्तआव बांग्रिआ सोमावग्लुंदों



आफगानिस्त, 25 मे: आफगानिस्तानआव आरोबाव बांग्रि मावदों। भारतारि सम बायदिब्ला, रबिबारखालि फुंनि 6:33 रिंगायाव आफगानिस्तानआव 4.2 मेगनिटुइट गोहोनि बांग्रि फैदों, बांग्रिनि मिरुआ 36.26 डिग्रि साहा अक्षफान आरो 69.74 डिग्रि सानजा द्राघिमाफानाव

135 किल 'मिटार गोथौआवमोन। बेनि सिगाडव, सोनाब नेपालआव बृहस्पतिबारनि हर गेजेराव खेबनै बाडइ गोहोनि बांग्रि फै दों। सिस्म 'लजिके ल मनिटरिं सेन्टरनि बायदिब्ला, जायगायारि सम बायदियै फुंनि 1:48 रिंगायाव 5.1 मेगनिटुइट गोहोनि बांग्रि फैदों, जायनि

मिरुआ बैत्यदी जिल्लानि खुलांआव जादोंमोन। बांग्रिनि उनाव फुंनि 2 रिंगायाव (जायगायारि सम बायदियै) 3.7 मेगनिटुइट गोहोनि नैथि बांग्रि मावदों। फारियै खननै बांग्रिनि उनाव,जायगानि थागिरिफोरा गिदोंमोन आरो गावसोरनि न'निफ्राय बायजोआव ओंखारबोदों। न'सुंसेनि जिल्ला दाचुंला, बझांग आरो दादेलधुरयावबो बांग्रि मावदों। सोनाब नेपालनि कास्की जिल्लायाव मंगलबारनि सानजौफुआव 4.7 मेगनिटुइट गोहोनि बांग्रि मावदोंमोन। नेशनेल बांग्रि मनिटरिं एन्ड रिसार्च सेन्टरनि बायदिब्ला, बांग्रिनि मिरुआ काठमान्डुनिफ्राय फ्राय 250 किल'मिटार गोजानाव कास्की जिल्लानि सिनुआ ओनसोलावमोन, जाय बेलासिनि 1:59 रिंगायाव रेबगान्थिनाय जादों। न'सुंसेनि जिल्लाफोर तानाहु, पर्वत आरो बाग्लुंआवबो बांग्रि मावदों। बेनि सिगाडव, 14 मेआव सानजा नेपालनि सलुखुम्बु जिल्लानि छेसकाम ओनसोलाव 4.6 मेगनिटुइट गोहोनि बांग्रि फैदोंमोन। बुहुमनि बायजोआरि सा बाहागोआ मोनस्ति गिदिर आरो गोबां फिसा टेक्ट'निक प्लेटफोरजों दाजानाय जेराव बे प्लेटफोरा दिदोमै खारबाय थायो। जेब्ला बिसोर गावजों गाव सौग्रावलायो, सोलायो एबा गाहायाव गोग्लैयो अब्ला गोहोनि हगारनाया बांग्रि महराव जायो। समजों लोगोसे, प्लेटफोर एबा गोरोन्थि हांखोफोरनि खनाफोराव नारसिन्थाइ जमा जायो। जेब्ला बे नारसिननाया मोनसे थि सिमाखौ बारलाडो अब्ला अन्थाइफोरा बायो आरो हरखाबै गोहो हगारो जायनि फिथाय महरै बांग्रि फैयो।

भारतआ मुलुगनि ब्रैथि बयनिखुइ देरसिन इकनमी हादत जाबाय

गोदान दिल्ली, 25 मे: भारतआ जापानखौ उन खालामनानै मुलुगनि ब्रैथि बयनिखुइ देरसिन रंखान्थि राहा गोनां हादत जाबाय। निती आयगनि गाहाइ मावफुं बिबानगिरि (सिइअ) बिभिआर सुब्रमण्यामआ थानाय शनिबारखालि बेनि खौरां होयो। बिथाड निती आयग शासि परिषदनि 10 थि जथुम्मानि उनाव मिडियाआव भारतनि रंखान्थियारि थासारिआ गाहाम जाबाय होन्ना बुडो। बिथाड बुडोदि, दिनैनि समाव भारतआ 4,000 आरख डलारनि रंखान्थि राहा थानाय हादर जाबाय। हारिमायारि रंखान्थि बाख्रि (आइएमएफ) नि गथायनाय खौरांजों सुब्रमण्यामआ बुडोदि, दिनै भारतनि रंखान्थि राहाआ जापाननिखुइ देरसिन। अदेबानि



आमेरिका, चीन आरो जार्मानीआल' भारतनिफ्राय रंखान्थि राहानि केसआव देरसिन। आइफन बानायग्रा कम्पानी एपलखौ लानानै आमेरिकानि हादरगिरि डनाल्ड ट्रम्पनि बावैसो सिगां बिबुंथि होनायनि सायाव मोनसे सोंथिनि फिन्नाय होनानै बुडोदि, टेरिफ रेटसआ मा जागोन बेयो दासिमबो रोखा

बायजो हायुंआरि मन्थि एस जयशंकरआ जांख्रिखांनाय सानाव आर्जेन्टिनानो गाहाम हामलायथि हरदों

गोदान दिल्ली, 25 मे: बायजो हायुंआरि मन्थि एस जयशंकरआ दिनै आर्जेन्टीनानि सरकार आरो सुबुंफोरनो हायुंआरि फोर्बों जांख्रिथाय साननि थाखाय गोसो गोर्बोंनिफ्राय हामब्लायथि जासिहरदों। बे फालिथायाव बिथाड भारत आरो आर्जेन्टीनानि गेजेराव गोथौसिन जालांनाय सोलोआरि सोमोन्दो आरो गोबां बिथिडारि हेफाजाबनि सायावबो नोजोर होदों। जयशंकरआ गावनि सशेल मिडिया प्लेटफर्म एक्सआव मोनसे मावख'आरि खौरां फोसावदों। बेयाव बिथाड लिरदों, बायजो हायुंआरि मन्थि गेराड' वर्थेन आरो आर्जेन्टीनानि सरकार आरो सुबुंफोरनो



बिसोरनि सोमावसारनाय सानाव गोसो गोर्बोंनिफ्राय हामब्लायनाय। जों भारत-आर्जेन्टीनानि सोलोआरि बाहागोआरि आरो गोबां बिथिडारि हेफाजाबखौ जोबोद गोनांथि होयो। भारत आरो

खनिज सम्पदनि बिथिडव भारतनि थाखाय मोनसे गोनांथार बाहागोआरि महरै नुजाबोदों, जाय भारतनि सोमखोर गोहो खान्थियाव गोनांथार बिफाव लानो हागौ। हारिमुआरि थाखोआव हादरनि गेजेराव सोलाय-सोल' खौबो थुलुंगा होनाय जादों, य'गा, भारतारि सावथुन आरो जामुं बायदि मुवाफोरा आर्जेन्टीनायाव मुंदांखा जागासिनो दं, बोसोफ्रोमबो 25 मेआव, 1810 मायथाइयाव ब्युन्स आयर्सआव जानाय मे जांख्रिथायनि गोसोखांथियाव जांख्रिखांनाय सान फालिनाय जायो। बे सोमावसारनायखौ स्पेनिश फामुवारिबादिन बेरेखायै आर्जेन्टीनानि उदांखिनि फारसे गिबि आगान होन्ना मानिनाय जायो। बे सानखौ आर्जेन्टीनायाव जोबोद

गोग्गानाय आरो हादर अनफावरिजों फालिनाय जायो। जयशंकरनि बे खौरांखौ मोनै हादरनि गेजेराव बांलांनाय फोथायनाय आरो इयुनाव गोथौ हेफाजाबनि जाथावना महरै नायनाय जादों। भारतनि ग्ल'बेल साउथ खान्थिनि सिडव लेटिन आमेरिकानि हादरफोरजों सोमोन्दोखौ गोखों खालामनो नाजागासिनो दं, जेराव आर्जेन्टीनाया मोनसे गाहाइ बाहागोआरि जादों। बे मोजां हास्थायनाय खौरांनि गेजेरजों भारतआ फिन खेबसेबाव रोखा खालामबायदि, मुलुगनां थाखोआव गावनि गोजाम लोगोफोरजों सोलोआरि हेफाजाबखौ गोदान जौथायसिम जौगाहोनो थाखाय रादाय होनाय।

गाजायाव इजराइलनि गाग्लोबनायाव हामासनि केम्पफोरा सिलिंखार जादों



गाजापट्टि, 25 मे : गाजायाव इजराइलआ हामासखौ फोजोबनो थाखाय सालायनाय हाबाफारिया गोखोडे' सोलिगासिनो दं आरो बेनि गेजेरजों इजराइलआ गाजायाव गाग्लोबनायखौ गोखों खालामदों। सुलुंनि बायदिब्ला ओन्सोलाव सोलिबाय थानाय इजराइलनि बुथासलुंनयनि फिथाइ महरै थानाय 24 घन्टयाव गाजापट्टिआव खमैब्लाबो सा 79 फिलिस्ताइनफोरनि जिउ गोमायो आरो सा 211 गुबुनफोरा जोखोम

जायो। जायगानि सावस्त्रि बिबानगिरिफोरा खौरां होनाय बायदिब्ला, 2023 नि अक्टबरनिफ्राय इजराइलनि गाग्लोबनायाव फिलिस्ताइननि सुबुंफोर थैनायनि अनजिमाया बांनानै सा 53,901 जायो आरो 122,593 सुबुंफोरा जोखोम जायो। भुगिनांग्राफोरनि गेजेराव बांसिनै आइजो आरो गथ'फोरा दंफायो। दाननैनि दावहा दोन्थ'नायनि उनाव 18 मार्चआव इजराइलनि गेजेरजों

डक्टर आरो सा 9 गथ'फोरनिबो जिउ गोमायो आरो सासे गथ'आ जोखोम जायो। थैनाय गथ'फोरा 7 दाननिफ्राय लानानै 12 बोसोरनिमोन। आल्ला नजर मुनि आइजो डक्टर नासेरआ देहा फाहामसालिनि गथ' फाहामथाइ बिफानाव खामानि मावयोमोन। बे गाग्लोबनायनि खौरां मोन्नायाव जेब्ला बिबो गावनि न'आव सौहैयो अब्ला न'निफ्राय अर जौंखाडो आरो अरजों सिलिंखार जानाय न'आव सा 7 गथ'फोरनि गोथै देहा मोनो। बेराफारसे सानै गथ'फोरनि गोथै सह'आ बायखोन्दा थुखायाव गोदोनानै थायो, जायफोरखौ दिहुन्नो हायाखै। नजरनि फिसाइ आरो 11 बोसोरनि फिसाज्त्ताखौ आबुडै' जोखोम जानाय अबस्थायाव मोनो। आथिखालाव खान युनिस ओन्सोला गिखंथाव दावहारु ओन्सोल जाबाय होन्ना इजराइल सान्थिया बुडो।

इम्फल, 25 मे : मणिपुर पुलिसआ थानाय शनिबारखालि काकचिं जिल्लायाव सा 3 स्मालारफोरखौ ग्रेप्टार खालामो, जायफोरखौ नकली सनानि स्मालिडव लोब्बा दं होन्ना सन्देह' खालामदों। पुलिस रिपर्टनि बायदिब्ला, मोनसे खौरां मोननायनि उनाव बिबानगिरिफोरा मोनसे अपोरेशन जागायो आरो मणिपुरनि काकचिं जिल्लानि मायां इम्पल पुलिस स्टेशननि सिडव गोग्लैनाय हंगुन ओन्सोलनिफ्राय सन्देह' खालामथावफोरखौ ग्रेप्टार खालामो। पुलिसआ बिसोरनि सम्पतिनिफ्राय नकली सनानि थुखाबो बोखाडो। रिपर्टआव बुंनाय बायदिब्ला, सन्देह' खालामथावफोरा शुद्ध नडै सनाखौ नकली खालामना बेखौ नंगुबै सना महरै गेना-खान्थिजों दिन्थिनो थाखाय खैसार सादोंमोन। बिसोर सुबुंफोरखौ थगायनो थाखाय गुबुन




लिस्थाइनि नकली सना बानायनो थाखाय जर'खा जोन्थोरफोर बाहायो। पुलिसा ग्रेप्टार खालामजानाय सुबुंफोरखौ भास्कार गायकवाडनि फिसाज्त्ता शिवाजी गायकवाड (39) महाराष्ट्रनि थागिबि शंकर

जाधवनि फिसाज्त्ता जलिंदर शंकर जाधव आरो नानाजि खंडारेनि फिसाज्त्ता रामदास तानाजी खंडारे (37) मुडै सिनायथि होदों। पुलिसा बिसोरनिफ्राय गंसे हाइड्रुलिक मेशिन, गंसे नमेन गलिहोग्रा

मेशिन, गुबुन गुबुन रोखोमनि मोन 94 ग्रेफाइट एसिडजों बुंफबनाय गनै बतलफोर, मोनसे एसपिआइएसिए हाइड्रुलिक पावार पेक गनै कार्बन रड आरो गंसे सास्टेक एसिड/डिसि क्लेम्प मिटर जब्द' खालामो।

फैगौ 28 मेसिआव मोन 6 राइज्योफोराव चक्रवार्ती बारहुंखाया फिन खेबसेबाव आगान होफैगोन

मदिपुरम, 25 मे: थानाय 21 मेनि बेलासियाव गोखों अखाजों लोगोसे फैबाय चक्रवार्ती बारहुंखाया माखासे हादतफोराव सिलिंखार खालामदोंमोन। बेयाव माखासे सुबुंफोरनि जिउ गोमायो आरो गोबां ख'हा जायो बेयाव आबुडै' जिउ खानायाव जेना सोमजिदोंमोन। बेराफारसे आथिखालाव एग्रिकाल्चरनि बोथोर बिगियानगिरिया फिन खेबसेबाव सांग्रांथि होयोदि, 28 मेसिमाव फिन खेबसेबाव चक्रवार्ती बारहुंखाया अखाजों लोगोसे राजस्तान, हारियाणा, उत्तराखान्ड हिमाचल प्रदेश, सोनाब उत्तर प्रदेश आरो दिल्ली एनसिआरआव आगान होफैफिन्नो



हागौ। आथिखालाव बेनि गोखैथिया सिगांनि रुजुनायाव एसे खम जागोनो। बोथोर गिबियानगिरि ऊ युपि शाहीआ बुडोदि, चक्रवार्ती बारहुंखाया सोनाब बंगनि लैथोमा आरो

थानायनि जोबोद गोनां जायो। बांसिनै हाद्रिजों बुंफबनाय बारहुंखाजों फसलफोरा जोबोद ख'हा जायो। अदेबानि मे दाना बारहुंखा, सरासन्ना अखाजों बारलांसिगोन। नाथाय जुन दाननि गिबि सप्ताहनिफ्रायनो जोबोद गरम जागायनो हागौ, जेराव मेक्सिमम बिदुड 42 निफ्राय 45 डिग्रिसिम सौहैनो हागौ होन्ना हमदांदों। बिदुं बांनयनि बे थासारिया 20-25 जुनसिम थागोन। बेनि उनाव 28-29 जुनआव दिल्ली एनसिआरआव मौसुमि बोथोरा आगान होफैगोन। बेनि उनाव माब्लाबा अखा आरो माब्लाबा सुदेम बोथोरा सोलिगोन।

आर'ब लैथोमायाव गरम सोमजिनायजों सोमजिगोन। बे बारहुंखायाव बारनि राउन्डआव गोखैयै गोदिंगोन। बोथोर बिगियानगिरिनि बायदिब्ला, 28 मेसिमाव फिन खेबसेबाव

महारास्ट्रनिफ्राय जम्मुसिमनि ओन्सोलफोरा अखाजों गाज्रि थासारि

गोदान दिल्ली, 25 मे: दिल्ली-एनसिआरआव रबिबारखालि फुडव अखा हायो, जायनि उनाव दिल्ली-एनसिआरनि माखासे ओन्सोलफोराव दै लोमसावनायनि खौराडा नुजाथिगासिनो दड। दिल्लीनि मतिबाग, मिन्ट रड, एयारपर्ट टर्मिनेल 1 नि खाथियाव गोबांन दै लोमसावनायनि जाहोनाव सुबुंफोरा जेनाफोरजों

मोगा-मोगि जानांगासिनो दड। लामाफोरा आबुडै दै लोमसावनायनि जाहोनाव गारिफोखौ दिहुन्नायाव गोबां जेना गोनां जायो। मिन्ट रडआव दै लोमसावनायनि जाहोनाव गंसे कारआ गोदोयो। दिल्लीजों लोगोसे दिल्लीजों नांजाबनाय नएडा, ग्रेटर नएडा आरो गुरुग्रामआवबो गोबां



अखा हानायनि उनाव माखासे जायगाफोराव दै लोमसावो। आथिखालआव गोबां अखा हानायनि जाहोनाव बिदुडव दावख्लायनायखौबो दैखानो मोन्नाय जादों, जायजों सुबुंफोरा गोबां बिदुंनिफ्राय एसे रेहाय मोनो। नाथाय अखानि जाहोनाव दिल्लीनि मिन्ट रड, द्वारका फ्लाइअभार,

चानक्यपुरि, सुब्रत पार्क ओन्सोल आरो दिल्ली एयारपर्ट टर्मिनेल 1 नि खाथियाव दै लोमसावो। दिल्लीनि आइटिअ ओन्सोलफोरावबो अखानि जाहोनाव लामाफोराव दै लोमसावो। धौला कुआडाव अखानि उनाव ट्राफिक जामनि थासारि सोमजियो। गोखों बारहुंखा आरो अखानि

जाहोनाव इन्दिरा गान्धी हारिमायारि उरां जाहाज गाथोन(आइजिआइ) आव 100 निखुइ बांसिन उरां जाहाजफोरनि सायाव गोहोम गोग्लैयो। 25 निखुइ बांसिन फ्लाइटफोरखौ डाइभार्ट खालामनाडो आरो माखासे उरां जाहाजफोरा गोबां लेटबो जायो।

भुवनेश्वर कलिका आरो तेजस्वी सुर्याजों लोगोसे एलजेपि (रामविलास) नि शांभवी चौधुरी, टिडिपिनि जिएम हरिश बालयगि, शिव सेनानि मिलिन्द देवडा जेएमएमनि सरफराज आहमद आरो आमेरिकायाव थानाय आगुनि राजथान्दै तरणजीत सिंह संधुआबो दंफायो।

बिगियानगिरिफोरजों अस्त्रांमायाव गुबुन मुलुगानि फोरमान मोनदों

गोदान दिल्ली, 25 मे: मुलुगनाडैनो बिगियानगिरिफोरा अस्त्रांमायाव जिउ थानायनि फोरमान मोनदों। बुध ग्रहखौ जों साननि खाथिसिन आरो जोबोद गुदुं होनना सानो, जेराव बरफनि दै मोन्नाय जादों, बे नागिरना दिहुननाया सोमोनांथाव मानोना बुधनि बारमण्डला ओरैबादि गुसेबदि, दैनि थाथायखौ फ्राय जाथावना नुदोंमोन, बबेखानि नासानि मेसेन्जार मिशना सिर्गानिफ्रायनो 2012 मायथाइयाव बुधनि खुन्थियाफोराव बरफनि नेरसोनफोरखौ हमदांनो हादोंमोन। दायो बिगियानगिरिफोरा बेखौ रोखा खालामबाय। बिगियानगिरिफोरा एरैसिब' टेलीस्कप आरो गल्डस्टन एन्टेना बायदि जुनिया जन्श्रफोरखौ बाहायदों। बिथांमोनहा रेडिय' सिगनेलनि गेजेरजों बुधआव बरफ थानायखौ हमदांनो हादों। बे सिगनेलफोरा



थारैनो दैनि बरफनिफ्राय नुनाय बायदिमोन। बुधनि खुन्थियाफोराव माखासे गोथौ क्रेटारफोर दं, जेराव सानदुङ माब्लाबाबो सौहैया। बे ओनसोलफोरनि दुंथाया ओरैबादि गाहायदि, बरफआ कौटि-कौटि बोसोरसिम बरफ जानाै थानो हागौ। बिगियानगिरिफोरा फोथायोदि, बे बरफआ उल्का आरो धुमकेतुफोरनि गेजेरजों बुधआव सौफेदोंमोन, नङब्ला

बुधआ गावनो बैफोर गुसु क्रेटारफोरनि सिङव ज' जानाै दैनि बाष्पखौ हगारदोंमोन जानांगौ। बे नागिरना दिहुननाया बुधनि थाखायल' नङ नाथाय गासे सान खान्थिनि थाखायबो जोबोद गोनांथार। सिगाङव बेखौ फोथायनाय जायोमोनदि, दैनि थाखाय रोजा आबहावा एबा जोबोद गाहाय बिदुङ गोनांथारमोन नाथाय बुधआव बरफ मोन्नाया फोरमान

खालामबायदि, जेब्लाबो बिदि जाया। ग्रहफोरनि रुजुजायै भुमखौराङारि थाथाय आरो बिसोरनि सोमावसारनायफोराबो बेयाव मोनसे गोनां बिफाव लायो। मंगल ग्रहनि उनाव बुधआव दैनि थाथायआ दिन्थियोदि, बुहुमनि गोबां गुबुन जायगाफोराव दै आरो जानो हागौ जिउबो थानो हागौ जेराव जों सिगाङव माब्लाबाबो सानाखैमोन।□

अरां खोन्दो गुदि देहा फाहामसालिनि सामलाय कमिटिनि मावफुं मेल जथुमदों



उदालगुरि, 25 मे: उदालगुरि जिल्लानि 47 नं माजबाट बिधान सभा बियाबनि सिङव थानाय अरां गुदि देहा फाहामसालि मिरुआव सामलाय आफादनि मोनसे जर्'खा मावफुं मेल खुंनाय जायो। बे मेलखौ दैदेनदोंमोन 47 नं माजबाट बिधान सभा बियाबनि एमएलए सरन बर'आ। बेवहाय मेलनि थांखिखौ बेखेवना होयो

अरां गुदि देहा फाहामसालि मिरुनि बिपिएम बारजिल शर्मांआ। बे मावफुं मेलआव 2024-25 मायथाइआव 7 लाख 22 रोजा 9 जौ 10 रां खरस खालामनायनि सायाव आबुङै अदित खालामनाय जायो आरो खरस जानायनि सायाव रोखायै नार्यबिजिरनायबो जायो आरो गोबाव सम

खरस खालामनाय रांनि सायाव गनायथि होनाय जायो। बे मोनसे जथुमावनो फाहामथाइ मिरुनि फिसा-फिसा जेंना आरो माखासे अजद आरो आंखालफोरखौ लानानै सावरायनानै बेनि सायाव नांगौ रोखोमनि राहा लानोबो थांखि आजावनाय जायो। लोगोसेनो बे जथुमावनो थांनाय 5 मार्च आव बिफाननि बिबानगिरिनि मोनसे बिथोन बायदियै अरां खोन्दो गुदि देहा फाहामसालि मिरुआव गागि फाहामगिरि आरो देहा फाहामगिरि डा: बिनिता शर्मांखौ मिरुनि बिबानाव थानाय महखुमा फाहामथाइ आरो देहा बिफाननि बिबानगिरि महरै बिबान गथायनाय जायो। बे बिथोन बायदियै डा: बिनिता शर्मानो बिबान होनाय जायो।

लोगोसे बिथांनो अरां खोन्दो गुदि देहा फाहामसालि मिरुनि महखुमा फाहामगिरि आरो देहा बिबानगिरि महरै रांखान्थियारि गोहोखौ गथायनो थाखाय थांखि आजावनाय जायो। मख 'नो गोनांदि, थांनाय 23 मे आव खुंनाय सामलाइ आफादनि मेलआव एबा अरां भिसिडिसिनि बारग' सियारमेन भेनुधर अदिकारि, अरांनि गागि खौरांगिरि नब' कु मार देका, अरां भिसिडिसिनि सेयारमेन दिव्यज्यति सइकि या, फाहामथाइ मिरुनि कमप्युटर एसिस्टेन्ट धरती देका, बिएन मेनेजार राजद्विप बरामोनहा बाहागो लानानै मावफुं आफादनि मेलखौ गाहामै गाहाम जाफुंसार होयो होन्नानै सुलुङव फोरमायथिदों।□

पुलिस हान्जाया भबानिपुरनि माजगावआव सा 2 थिरनि फालांगिरिखौ हमदों

भबानिपुर, 25 मे: भबानिपुर पुलिस थानानि सिङव थानाय माजगावआव थांनाय मोनायाव बन्द' खालामनाय थिर जुवा खेलानि हेंथायै अपारेसन खालामनानै सा 2 थिर जुवा फालांगिरिखौ पुलिसफोर हमो। पुलिसआ हमनाय थिर फालांगिरिया जादों- फारियै आपजाल रहमान आरो साहजामाल आलि। मखनो गोनांदि, भबानिपुर पुलिस थानानि बिबानगिरि रिकारस ज्यति देकानि दैदेन्नायाव पुलिसनि मोनसे हान्जाया थांनाय मोनायाव माजगावनि हाथाइआव थानाय बन्द' खालामजानाय थिरनि फालांगिरि आपजाल रहमाननि आलम हटेलआव थिर खेला होफुबाय थानाय समावनो भबानिपुर पुलिसआ साहजामाल आलिखौ हमो। पुलिसनि सुलुङाव फोरमायथिनाय बायदिब्ला, गोबाव समनिफ्रायनो हमनो मोन्नाय थिरनि फालांगिरि आपजाल रहमान आरो साहजामाल आलिनि दैदेन्नायाव



माजगाव ओनसोलाव थिरनि फालांगिरिया सोलिगासिनो दङमोन। बेनि अनगायैबो

ओनसोलनि माखासे दखानदारिफोराबो गाव-गावसिनि गय दखान,

गालामाल दखानफोरावबो थिरनि फालांगिखौ सालायबोबाय थादोंमोन होन्नानै ओनसोलनि सांघां राइजो-राजाफोरा अजद दैखांदों। आथिखालाव पुलिसा हमनो मोन्नाय थिरनि फालांगिरि सा 2 निफ्राय थिर खेलानि टिकेट आरो खेलानि गासैबो फोरमानथि थानाय रां 2 मबाइलखौ जब्द खालामो आरो माखासे आयेन बेरंखा फोरमान बिलाइखौबो पुलिसफोर जब्द' खालामदों होन्नानैबो सुलुङव फोरमायथिदों।□

(□ 1 बिलाइनिफ्राय)

गोजान जान्थाइआव थांनाय दावबायारि रेलनि स्टपेज होनाय दाबिजों दिने बासुगाव रेलवे स्टेनसआव धरना होनाय हाबाफारि लानाय जादों

दोलोनि बान्जायनायाव आसाम रेल पेसेन्जार एस'सियेसन, सर्बशक्ति सेना, आसाम इ-रिक्सा इउनियन, बासुगाव ट्रेडार्स एस'सियेसन आरो ओनसोलनि राइजो-राजाफोरनि हेफाजाबजों धरना होनाय हाबाफारिखौ मावफुंनाय जागोन होन्नानै आसाम प्रदेश शिबसेना दोलोनि फोसावदि नेहाथारि शिबसन्दआ गांसे रदाव बिबुंसारनि गेजेरजों मिथिहोदों। दिनै फुंनि 6:30 रिगानिफ्राय बासुगाव रेलवे स्टेसननि 1 नं प्लेटफर्मआव बे दहरना होनाय हाबाफारिखौ मावफुंगोन। गनतान्त्रिक आरो गोजोनै बे दहरना होनाय हाबाफारिखौ हेफाजाब होनो थाखाय गासैबो थाखोनि राइजो-राजाफोरखौ खावलायहरदों शिबसन्दआ लोगोसेनो दहरना होनाय हाबाफारिखौ मोजाङै मोजां जाफुंसार होनो थाखाय खुंथाइ, रेल बिफाननिफ्राय गनायथि मोन्नायजों लोगोसे गासैबो गोनांथि जानाय लाहार-फाहारफोरखौ खालामनाय जादों होन्नानै रदाव बिबुंसारनि गेजेरजों मिथिहोदों।□

रंजालि गथ'फोरनि सौरा

आदा

आदा ,आदा सिमां आनि बायफ्टेलांबाय, मिजिं आनि आद्रा जाबाय, बायखुबलांजोबबाय सुजुनाय सिमाङ , बागदावबायसै रोमा-रोमि उन्दुनाय मेगना । थानो सुखुवा जालांदों खामग्लिनाय गोरबो बिखाया , दुखुनि देंखोजों हांमा सुरै-सुरै माब्लाबानो बोहेलांदोंसै आनि मेगननि मोदै ।

आदा , आदा नों माबोरै दङआदा ? नों मोजाडैनो दंना आदा ? आं मानोबा , मानोबा आं दिनैसिमबो नोंखौ गोसो खांबाय थायो आदा । नोंखौ गोसो खाडै - खाडै मानोबा आं दिनैसिमबो मोदै हुगार खुमाबाय थायो ।

आदा नोंनो आनि गुरुमोन, नोंनो आनि लामा दिन्थिगिरिमोन । नाथाइ नोडे, माब्लाबानो आंखौ नागारना थांबाय दा आं हारसिं जाबाय आदा , दा आं हारसिं जाबाय.....। सानै-सानै साननायनि लैथोजों बुसोम जाबाय आं दिनै । आदा .. आदा.....।

मैखोम बसुमतारि
गामि: सनाजुलि, बिस्वनाथ

जिउनि दिङा

गोसोआव दङ आंहा अन्जिमा गैयै मिजिं, बायहाजार गोसोनि हास्थायनाय जिउनि दिङा सुग्लायनाय । सोमखे दावखा बिदै जोमैन सेरजों मिनिखेंरे मिनि हरो, नुहां-नुवाहां मोब्लिबनि सोराङा स्रोब गोमोरफिनो जोमैन सेराव । दुंखावनाय गोसोजों मेंग्लिनाय देहाजों, बाज्रेत-बाश्रेत आगान सुरनानै नायगिरो आं हालाय-हाफाय । सिमब्रे -सिमब्रा बारहुंखाजों खामग्लिनाय अरगेंजों, सोरबा खालामो गोसोनि बोलोखौ थलथ'ब गोलैयो समनि बैथाया । जिरायना थाद'नि, हमथाना नेदोनि, खेब-खेब रानखेबनाय थिफिलंसे जिउ, फानजारिआव जोबथेदिनि, मैला गोसोखौ सुस्रादिनि ।

राजेश बसुमतारी
कारिगाँव गोजू फरायसालि
कारिगाँव, कक्राझार ।

(□ 1 बिलाइनिफ्राय)

कार्बिआंलं जिल्ला बर' थुनलाइ आफादनि बान्जायनायाव 52 थि थुनलाइ गाथोन हाबाफारि खुंदों

गुबुन-गुबुन थुनलाइगिरिफोरा गाव-गावनि सुजुनाय खन्थाइफोरखौ फरायथिनानै होनायखौ नुनो मोनदों। दिनैनि बे हाबाफारिखौ गावनि बेसेन गोसा थुनलाइआरि बिबुंथिनि गेजेरजों बेखेवनानै होदोंमोन बर' थुनलाइ आफादनि सोद्रोमा सानथिराम बसुमतारीआ। बे हाबाफारिनि लोब्बायै खन्थाइ फरायथिनाय आयदायाव कार्बिआंलं जिल्लानि सा 16 गागि थुनलाइगिरि आरो खन्थाइगिरिफोरा गाव-गावनि सुजुनाय खन्थाइफोरखौ बर' रावजों फरायथिनानै होयो। मख'नाय जायोदि, बर' रावजों खन्थाइ फरायथिनाय गागि खन्थाइगिरिफोरनि गेजेराव दं फारियै- अरबिन्द' उजिर, बिसेस्वर बसुमतारी, रतुराज बसुमतारी, सानथिराम बसुमतारी, थानेस्वर गयारी, मगेस नार्जारी बर', निरमल बसुमतारी, बबेन्द्र कुमार बसुमतारी, कण्ण महन बसुमतारी, रुपालि बसुमतारी, धरमेन्द्र खाक्लारि, शिब'प्रासद खाक्लारि आरो सनिया बाग्लारि। मख'बावनाय जायोदि, दिनैनि बे हाबाफारिनि गेजेरजोंनो कार्बिआंलं जिल्लायार बर' राव थुनलाइखौ गोसारहोनाय आरो जौगाहोनायनि थाखाय खामानि मावनांगौनि सायावबो गुबारै सावरायलायनाय जादों।□

बे आंनि नंला

दं आनि सेराव नाथाय आंनि बुंनो हानाय आंहा गोहो गैला। रावबो मिथिया जॉल' मिथिगौ जों सानैनि मोजां मोनलायनायनि गुमुरादि बेसे गोथौ। नोजोरा सहैयो नॉनिसिमल' नागिरो मेगन आन्दो जायो जेब्ला, बेसे गोदै बेसे गोथौ जॉनि गोसोनि रायनाय रावा। जानो हागौ जॉनि लामाया जॉनि संसारा आलदा जुदा थेवबो मानो अखा गोसो आंनि, दं बबेबा खनायाव नॉनि रोखा मुं आंनि बिखायाव। गैया आंहा मोन्थाय जेनो नॉनि सायाव नाथाय नाथाय..... हमथा हाया नोंखौ मोजां मोननो। नॉनि इयुनआव आं गैया आंनि इयुनआव नों गैया, सान आरो अखाफोर बादि जॉनि मोजां मोननाय हाजासे नाजाब्लाबो मोनहा सवा। थेवबो होयो सोरां बेसेबा गोजानआव थासेयावबो। दं आनि सेराव नाथाइ आंनि बुंनो हानाय आंहा गोहो गैला।

दयाबती नारजारी

रमान्टिक लाभ

सानदोंमोन आं रमान्टिक लाभ नाथाय जानांबाय अनजालि फानदाय सुलिनि फान्दायनायाव आस'खान्दा जिउनि गोथौ लैथोआव गब'बाय। सानस्रिफोरा गोजाव लांबाय लैथोनि गोजू-गाहाय गुथालाव हास्थायनायफोरा गोदोलांबाय गोसोआव रिफिबाय र'जेनि हायना। सहायनो हालिया बोदोर गोसोआ। फागुनिनि सिउ सिउ बारआव गोजाव लांबाय गावस्राबाय बिखाया आसारनि सोगोमनायाव देहायाव गैलिया थाजिम सान्नाय जिउनि लोगोरि सिमांनि रानिआ खालामलांबाय फोथायखेबस' खामग्लिबाय गोरबोआव जुजायथि अर सानाखैमोन सनानि देरायाव नुस'हायै बालाबारि रमान्टिक लाभआव जानांबाय आं हालाय-हाफाय।

पुस्य' बसुमतारी।
ला:सो: - सालबारी पलासगुरी।
जिल्ला - बागसा

औवा राइदों थुरिजों

लुनाय बे न'आ जॉनि । बेयाव थायो गोजोनै जोबोद गंगेनि; थाइजू खानथाल गइ बारि बेनो बर'नि गामि। मोजां मोनो गेलेनो आमाइ-जुमाइ थाखोमानायाव; बिब' फंबाय थायो बेयाव अराइ खौसेथि। बिबार बारि लारि लारि गुफुर गोजा गोमो गाब-बाइदि सारि सारि; गोसोआव दङ मेथाय नों खोनायोब्ला बिखा सुग्लाइनाय। मोजां मोनो गेलेनो अखा नायब्लानो, आमाय जुमाइ थाखोमानाय।

मुस्रि बिष्णु बसुमतारी।
जिल्ला - चिरां बि टि सि (आसाम)।
पिन - 783373।

टाटा मटर्सनि बाहागोफोरखौ थाबैनो मोन्वै बाहागोआव बोखावनाय जासिगोन

गोदान दिल्ली, 25 मे: टाटा मटर्सनि सेयारफोराव रां थिसनग्राफोरनि थाखाय गिदिर खौरां । फैबाय थानाय समाव टाटा मटर्सनि बाहागोफोरखौ मोनै बाहागोआव बोखावनाय जागोन। बे बाश्चाखौ फोरमायनानै टाटा मटर्सनि मासिगिरि एन. चन्द्रशेखरनआ बुंदोंदि, टाटा मटर्सनि फालांगिखौ मोनै फारिलाइ खालामजानायफोरिव बोखावनाया सोलोआरि रोखाथि लाबोगोन, जाय गोलाव समनि थाखाय बाहागोआरिफोरनो मुलाम्फा होगोन। रांखान्थियारि बोसोर 2024-25 नि थाखाय कम्पानीनि 80थि खौसेथि बोसोरारि फोरमायथियाव बाहागोआरिफोरखौ बिबुंथि होनानै, बिथाख मुंखदोंदि, टाटा मटर्सखौ मोनै फारिलाइ



खालामजानाय कम्पानीफोर कमर्शियेल भेहिकल्स आरो पेसेन्जार भेहिकलफोरआव बोखावनायनि बिखान्थिया सानथांखि खालामनाय समफारि बायदियै दावगागासिनो दं। चन्द्रशेखरनआ बुंदोंदि, बे थांखि लानाय बोखावनाया बांसिन सोलोआरि रोखाथि आरो गोखैथि लाबोगोन, जायनि

फिथाय महरै मावफुंनाय आरो बेसेन सोरजिनायाव बांसिन गोसो होनाय जागोन। बायगिरिफोरा मोनसे साबसिन रोंमोन्दांथि मोनगोन, मावफारियाफोरनि थाखाय जिउ राहानि खाबुफोरा बांगोन आरो बाहागोआरिफोरा गोलाव समाव मुलाम्फा जागोन। रांखान्थियारि बोसोर 2025-26 नि

जागायजेन्नायाव, शेयार बाहागोआरिफोरा कम्पानीनि बाहागो थांखिखौ गनायथि होदोंमोन, जाय 2025 मायथाइनि नैथि खावसेनि समाव आबुं जागोन होनना साननाय जादों। बाहागोआरिफोरा मोनैबो कम्पानीफोराव समान बाहागो मोनगोन। सिगांनि लामाखौ

गुवारै फोरमायनानै, चन्द्रशेखरनआ बुंदोंदि, जों जोंनि मावखान्थियाव फोथायनाय, जोंनि मावफुंनायाव गोहो आरो जोंनि सुबुंफोरनि सायाव फोथायनायजों रांखान्थियारि बोसोर 2025-26 आव हाबगासिनो दं। टाटा मटर्सनि थांखिया नखरारि दावबायारि गारिनि हाथाइयाव मोब्लिबारि मटर-गारिफोर (इभि) फोरखौ गुबै लामायाव लाबोनाय। बे सानथांखिनि सिडाव, कम्पानीया गावसिनि इभि लाइनअपखौ गोखों खालामनो आरो लोगोसेयै गावनि थाखानाय मडेलफोरनि बेसेनखौ बांहोनो थाखाय खामानि मावगासिनो दं। बेयो बे रांखान्थियारि बोसोराव हेरियार इभि लन्व खालामनो थियारि खालामगासिनो, बिनि उनाव सिएरा इभि बेजों लोगोसे, कम्पानीया गावनि थाखानाय मडेलफोराव बायदि रोखोमनि फोजौखानायखौ मावफुंनो सानथांखि बानायदों। टाटा मटर्सआ 2024-25 मायथाइयाव फ्राय 65,000 मोब्लिबारि मटर-गारिफोर फानदोंमोन।




दमिश्क, 25 मे: सीरियानि गेजेरारि हादरगिरि आहमेद अल-शारानि गासैबो दायफोरखौ आमेरिकाया निमाहा होबाय। बावैसो, अल-शाराजों लोगो हमखानायनि उनाव आमेरिकानि हादरगिरि डनाल्ड ट्रम्पआ सीरियाआव गासैबो रोखोमनि होबथानायखौ बोखारदों। आथिखालाव सीरियाआ आमेरिकानि बे थिरांथाखौ बरायदों। बे जाथाया गेजेर हायुआरि राजखान्थियाव मोनसे गाहाय दिंघ्रायनाय बिन्दो लाबोदों, जेराव जुथाइ राज्ज्यो आमेरिकाया हरखाबै सीरियानि गेजेरारि हादरगिरि अहमद अल-शारानि सायाव होबथानायखौ बोखारनो थिरांथा लादों। अल-शाराया अल-कायदा बायदि उतखारि आफादफोरजों सिगांनि सोमोन्दो दं आरो सिगाडव

इउएसजों 10 मिलियन डलारनि बान्थाजों फोसावजादोंमोन, नाथाय दा राजखान्थियारि जुक्तिजों नुजाखांबाय। बे सोलायनाया बै समाव जादों, जेब्ला आमेरिकानि हादरगिरि डनाल्ड ट्रम्पआ साउदी आरबाव अल-शाराखौ लोगो हमदों आरो सीरियानि सायाव गोबां बोसोरनिफ्राय सोलिबाय थानाय होबथानायफोरखौ बोखारनो फोसावदों। इउएसआ बे थिरांथाखौ सीरियायाव गोदानै लुफिननो नाजानायखौ गोखे खालामनो थाखाय मोनसे सोलोआरि आगान महरै नायो नाथाय सावरायगिरिफोरा बाश्चा दान्थेलायोदि, बेयो आमेरिकानि उतखारि बेरेखा खान्थिफोरनि फोथायजाथावनि सायाव सोंलु सिखांदों। गोबां बिजिरसंगिरिफोरा बाश्चा

दान्थेलायोदि, बेयो आमेरिकानि मोनै मानथाखोनि नेरसोन, फारसेथिं उतखारिफोरनि बेरेखायै मोनसे गोरा गसंथानायखौ दिन्थियो, जेराव बै दैदेनगिरिफोरजों आखाय हमलायनाय जायनि सिगांनि समफोरा सोंलु गोनां। जाथायफोरनि बे फारिआ गेजेर हायुआरि सुबुं समाजनि गेजेराव मोनसे गोदान दान्थे-बिदान्थे जागायजेन्दों। आमेरिकानि सोनाब एसिया खान्थि, सुबुं अनफावरि हेफाजाबनि मुडव लानाय राजखान्थियारि थिरांथाफोर आरो लोगोआरि हादरफोरनि थाखाय बेनि रादाय होनायफोरनि सायाव सोंलु सिखांगासिनो दं। बे सोलायनायखौ ट्राम्पनि बायजोआरि खान्थियाव मोनसे थिरांथायारि दिंघ्रायनाय बिन्दो महरै नायनाय जादों। सीरिया आरो आमेरिकानि गेजेराव जानाय जथुमाया 25 बोसोराव गिबिसिन गोजौ थाखोनि जथुममोन, जाय सीरियानि थाखाय जर'खा गोनांथि दं मानोना बेयो गोबाव समनिफ्रायनो मुलुगनां थाखोआव आलादा-आलादा जानानै दं।

हादतानडै करना केसआ बांगासिनो दं

गोदान दिल्ली, 25 मे : हादतआव करना केसआ लान्थियै बांगासिनो दं। हादतआव कभिड-19 नि 250 निखुइ बांसिन एक्टिभ केस नुजाथिखांबाय। खौरां एजेन्सि पिटिआइआ फोरमायोदि, मिरुयारि सावस्त्रि नेहाथारिया कभिड केसफोराव बावैसो सिगां केस बांनयनि उनाव थांनाय शनिबारखालि मोनसे नायबिजिरनाय जथुम्मा खुडो। बे जथुम्मायाव सावस्त्रि संदानग्रा बिफाननि बिबानगिरिफोरा, भारतयारि फाहामथाइ संदानग्रा परिषदिनि गाहाइ बिथोनगिरि आरो माहारियारि कुमार कन्टुल खालामग्रा मिरुनि गाहाइ बिथोनगिरिजों लोगोसे गुबुन बाहागो लायो। सुलुंनि बायदिब्ला, मिरुयारि सावस्त्रि मावख'आ सांग्राडै दं आरो



गावनि माखासे एजेन्सिफोरनि गेजेरजों थासारिनि सायाव लान्थियै नोजोर लाखिगासिनो दं। बिसोरनि गेजेराव बांसिन केसआनो सरासन्त्ता आरो बिसोरखौ न'आवनो जोथोन लानो हागोन। बेरा फारसे दिल्ली सरकारा कभिडनि सोमोन्दै एडभाइजारि फोसावनानै देहा फाहामसालिफोरखौ बेड, अक्सीजेन, मुलि आरो भेक्सिनखौ रोखा खालामनो

थिनो। सावस्त्रियारि फसंथानफोरखौ जिनेम सिकवेन्सिनि थाखाय गासै पजिटिभ सेम्पोलखौ लक नायक देहा फाहामसालियाव दैथाइ हरनो बिथोन होयो। भारतआव कभिड-19 नि मोनो गोदान भेरिएन्ट एनबि 1.8 आरो मोनसे एलएफ 7 मोनो। बे मोनैबो भेरिएन्टआ गिखंथाव नडा। गुबुन गुबुन राज्ज्योफोराव थिसन्नाय बांसिन कभिडनि केसआ सरासन्त्ता,

जाय बेमारिफोरनो न'आवनो जोथोन लागासिनो दं। मिरुयारि सावस्त्रि नेहाथारिया थांनाय शनिबारखालि कभिड-19 के सफोरखौ नायबिजिरो।

अरुणाचलआव सियां अपार बिथांखिनि हेंथायै धर्नाया सोलिगासिनो

इटानगर, 25 मे: अरुणाचल प्रदेशनि सियां जिल्लानि बेगिं गामियाव थांनाय शनिबारखालि जायगानि थागिबिफोर आरो सियां आदिबासि आबादारिफोरनि फरम (एसआइएफएफ) नि गेजेरजों थांखि लानाय 11,000 मेगावाट एसइउएमपिनि थाखाय सार्भेनि हेंथायै गावसोरनि धर्नाखौ गोखोंसिन खालामो। गामियारिफोर बेगिं गामिनिफ्राय गासै 1 किल'मिटार गोजान



सार्भे खालामग्रा जायगानि खाथियाव गंसे केम्प गायसोनो, जाहाथे सिगांनि हाबाफारिफोरखौ होबथानो हायो। एसआइएफएफनि मावफुं सोद्रोमा आरो लाइमोन विनि थान्देफोर सार्भेनि जोन्थोरखौ बोखारजासिमाव सानफ्रोमबो

धर्नाखौ सोलिहोना लाखिनायनि बिथांखि लायो। ओन्सोलाव रावबो सिएपिएफनि मावसुमाफोरखौ हाबनो गनायथि होनाय जायाखै। एसआइएफएफनि थान्देफोर बुंनाय बायदिब्ला, बिसोर जेब्लासिम गावसोरनि दाबि

दैखानाया आबुं जाया अक्लासिम धर्नायाव जिरायना थाबाय थागोन। एसआइएफएफ रिभ गामि आफादिनि आफादगिरि तसं जमहआ बुडोदि, आं आंनि हाखौ खोमाना लानो लुबैया। बेनिखायनो आं बेखौ रैखा खालामनो थाखाय खनले-

खनले धर्ना खालामगासिनो दड। बिसायख'थि फोसावदिनि समाव जोंनि गनायथि गैया जासे डेमनि थाखाय जेबो सार्भे खालामनाय नडा होन्ना सरकारआ दाबि दैखांदोंमोन। नाथाय आथिखालाव बिसोर जोंनो खौरां होआ जासे जरजुलुमै सार्भे खालामनो नाजागासिनो दड। थांनाय शुक्रबारखालि सियां जिल्ला डिपुटि कमिसनारनो सान्थामनि आल्टिमेटम फोसावयो। बिसोरनि दाबि दैखानायफोराव सियां, अपार सियां आरो इस्ट सियां जिल्लानिफ्राय सिएपिएफ मावसुमाफोरखौ बोखारनाय आरो बेगिं सार्भे खालामनाय जायगानिफ्राय ड्रिंलिं मेसिनफोरखौ बोखानाय लाफिन्नाय बायदिफोर दंफायो।

गाजानि थासारिखौ इउएननिफ्राय लानानै इउरपसिम जिंगा सिदों

गाजा, 25 मे: उखैनाया जेब्ला सामलायथावे जायो अब्ला सुबुड जिउखौबो नागारनो गोनां जायो आरो बेबायदि थासारिया गाजायाव सोलिगासिनो दं। बेयाव आथिखालाव बमनि अनगायैबो उखैहाबनाय सुबुंफोरनि जिउ लागसिनो दं। माब्लाबा रेहायनि मिजिं लानानै फैनाय ट्राकआबो थैनायनि हाख'राव सोलायदों। जेब्ला ट्राकआ बेयाव सौहैयो अब्ला उखैहाबनायजों भुगिना थांनाय सुबुंफोरनि हान्जाया बिसोरखौ बेंखनना लायो आरो दसेनि गेजेयवनो रेशन, दै आरो मुलिजों बुंफबनाय बेसादफोरखौ लुथियो। गाजायाव थासारिया औरैबायदि दुखुनांथाव जानानै दंदि, गथ'फोरनाव रटि गैया, बिमाफोरनाव मोदै गैया आरो गिदिरफोरनियव जेबो मिजिं गैलिया। बेनि गेजेरजों इउएननि गाहाइ नेहाथारि एन्टिनिय गुटेरेसआ बे समा गाजानि थाखाय बयनिखुइ गाजिसिन होन्ना बुडो। बिथाडा इजराइलआव खमैब्लाबो रेहायनि मुवा-बेसादफोर रोगाग्रा ट्राकफोरखौ होबथानो नाड होन्ना खावलायदों, नाथाय थासारिया गुबुन बाश्चाखौ फोरमायगासिनो दं। थांनाय शुक्र बारखालि इजराइलनि गाग्लोबनायफोराव खमैब्लाबो



सा 71 सुबुंफोरनि जिउ गोमायो। इजराइलनि अखांमा सान्थिफोरा उतखारिफोरनि 75 निखुइ बांसिन कम्पानीफोरखौ सिलिखार खालामदों होन्ना दाबि दैखांदों। आथिखालाव गाजानि दावहाया हाथियारफोरनि अनगायै जिउ आरो गोनांथिफोरनि दावहाबो जालांबाय आरो जेब्ला रुटि आरो दैनि गोनांथि जायो अब्ला सुबुंथिजों फिन्नाय होनांगौ जायो। थांनाय 19 दाननिफ्राय सोलिबोनाय बे दावहाया आथिखालाव गुलि आरो मिसाइलफोरनिल'नंलिया, बेयो दा उदै आरो जिउनि गेजेराव दावहा जानानै फैबाय। इउएननि गोदान रिपर्टआ फोरमायोदि,

गाजायाव गासै 5 लाख सुबुंफोर उखैहाबनानै दं आरो जुदि बे थासारिया सोलायाब्ला खेबफ्रोम

सानबानि गेजेराव सासे सुबुडा बे अलखदनि मैहुर जानो हागौ।

दिल्लीनि शाहदराआव थानाय इ-चार्जि स्टेशनआव अर नानायजों सानै सुबुंफोरनि जिउ ख'हा

गोदान दिल्ली, 25 मे: दिल्लीनि शाहदराआव थानाय इ-चार्जि स्टेशनआव अर नानाय जाथाइनि अलखदआव गोर्लैनायजों सानै सुबुंफोरनि जिउ गोमायो आरो साब्रै सुबुंफोरा खामथाबो। खामथाबनाय सुबुंफोरखौ देहा फाहामसालियाव थिसन्नाय जायो। जाथाय जानाय जायगायाव अर लुखोमोरग्रा बिफानआ सौहैनानै अरखौ सामलाय आरो आथिखालाव



पुलिसआ बे जाथायखौ नायबिजिरनो जागायबाय। खौरांनि बायदिब्ला, रबिबार फुंनि 6:40 रिंगायाव अर

लुखोमोरग्रा बिफावआ शाहदरानि मति राम रडआव थानाय राम मन्दिरनि खाथियाव इ-रिक्सा चार्जि स्टेशनआव अर

नानायनि खौरां मोनो। बे जाथायनि खौरां मोन्नाय लोगो-लोगो गं 5 गारिफोरा जाथायसालियाव सौहैयो। 400 बर्ग गजनि टिन शेडनि गाहाइ इ-रिक्सा चार्जि स्टेशनाव गिखंथाव अर नांदोंमोन, बेयाव अर लुखोमोरग्रा बिफानआ सानै जामजानाय सुबुंफोरनि गोथै सह'मोनो आरो गुबुन साब्रै सुबुंफोरखौ जिटिबि देहा फाहामसालियाव फाहामथाइ

होगासिनो दं। बेनि सिगांनो थांनाय सप्ताहआवबो शाहदरा ओन्सोलनि समाव अर नांदोंमोन। बे समाव सासे आइजोनि जिउ गोमादोंमोन आरो सा 5 सुबुंफोरा जोखोम जादोंमोन। फारसेथिं दिल्लीनि उद्यगयारि नोजोर टेक्न'लजि ओन्सोलाव रबिबार फुडव मोनसे जि फेक्टरीयाव अर नाडो। नाथाय बेयाव रावनिबो जिउ ख'हा जानायनि खौरां मोन्नाय जायाखै।

आरो 35 बोसोरनि मुहम्मद सलमान नासिरनि सायाव टेक्सासनि मोनसेल'फर्म आरो रिलायबोल भेन्न्स इक मुनि कम्पानीजों लोगोसे दाय जाबसिनो। दाय जाबसिन्नाय बायदिब्ला, बिसोरनि आमेरिकाखौ थगायनो खैसार सानाय, भिजा गेना-खान्थि मानि लन्डिं आरो फ्रडआव दंफायो। मुशिदिनि सायाव आयेन बेरेखायै आमेरिकानि नोगोरारि मोन्नो नाजानायनिबो दाय दं। बिसोर आयेन बेरेखायै आमेरिकायाव फैनाय आरो थानायाव मदत खालामनो थाखाय नंखाय भिजानि अर'जलाइ थिसन्नानै फैसा खामायो। बिसोर नंखाय फोरमानलाइखौ नायबिजिरनो थांखि होनायजों लोगोसे साख्निन अपारनि सोमोन्दै नंखाय बुडो आरो सिस्टेमखौ आन्दायहोनो थाखाय इबि-2, इबि-3 आरो एडच-1 नि भिजा प्रग्राम बाहायो। बे साख्निखौ मोगथाडरि अफार महरै दिन्थिनो थाखाय बिसोर गोब्राबै निउज पेपरफोरव नकलो एड होयो।

माहाम देहानि राहा

निम बिलाइखौ जायोब्ला हार्ट एटाकनि जेंनाया जानगार जायो

माखासे बिलाइफोरखौ बाहायोब्ला गोबां रोखोमनि जेंनाया बाडाइ जायो। बेबायदिनो निमनि बिलाइआबो गोबां गुण गोनां। निमनि सोमोन्दे गोबां सुबुंफोरानो मिबथिखायो जानांगौ। बे बिलाइखौ बांसिनै गरम बोथोराव बाहायनाय जायो। बेजों हार्टआ हेल्डीयै थानायनि अनगायै बायदि रोखोमनि बेरामफोरबो जानगार जायो।

1. निमनि बिलाइखौ लेप्रसि बेरामनि थाखायबो बाहायनाय जायो। बेखौ बाहायोब्ला मेगननि नुनो हनाय गोहोआबो गोखै जायो। बेनि अनगायै मेगनआव मैला जानाय, उदे गात्रि जानाय, उखैनो रोडे; आल्सार बायदि बेरामफोरबो बेजों जोबखांलाखे।

2. निमनि बिलाइखौ`दैयाव



फुदुंनानै बेनि दैखौ लॉनो हायो। बेनि अनगायै निमनि बिलाइनि साहा बानायनानैबो लॉनो हायो। बेखौ लोडेब्ला गोखा मोनो नाथाय बेनि मुलाम्फाखौ मोन्नायनि उनाव नोथाडा बेखौ गावनि डाइटआव लाफानो गोनांसो जागोन।

3. जाय सुबुंफोरा स्कननि

जेंनाजों भुगियो बिसोरबो निमनि बिलाइखौ बाहायनो हागोन। बेनि थाखाय दैयाव निमनि बिलाइखौ होनानै दुगैनो हागोन। बेजों स्कनआव सोमजिनाय बायदि जेंनाया जानगार जायो। (नट: बेखौ बाहायनायनि सिगां डक्टरनियाव सुबुरन लानाया मोजां।)□

मोन 16 सुपारहित सावथुननि फावखुंगुर शुशान्त सिं थैनायनि रहस्यआ दिनैसिमबो सोराडाव फैयाखै

सावथुन मुलुगनि बायजोनिफ्राय जेसेबां सोमोनांथावफोरखौ नुहरो एसेनो बेवहाय माखासे गोथो रहस्य' गोनां जाथायफोरा थाखोमानानै थायो। माखासे आर्टिस्टफोर एबा फावखुंगुरफोरा खम समावनो मुं आरजिनो हायो। नाथाय माखासे जाथाय एबा खामानिफोरबो आद्रा जानानै थायो। ओरैबायदि फिल्मस्टरफोरबो दड; जायफोरा फिल्म इन्डस्ट्रिआव आगान होनाय लोगो-लोगोनो गावनि जिउखौ फोजोबना लायो आरो बिसोरनि बे अबथिरायै जिउ फोजोबना लानायनि सायाव माखासे दिनैबो रहस्य गोनां जाथायफोर दड।बेबायदिनो, सासे बलिउडनि मुंदांखा स्टर शुशान्त सिं रजपुतनि अबथिया जिउ गोमानायनो बेनि मोनसे बिदिन्थि। जाय थैनायनि थाखाय दासिमबो गोबां सोंथिफोरा सिखारो, नाथाय फिन्नाय मोनाखै।



बे एखे रोखोम जाथायानो तामिल सावथुननि सासे फावखुंगुरनि जाथाया शुशान्तजों गोरोबलायो। बिथानि मुखनो जादों कुणाल सिं। बिथाडा गावनि आखा-फाखा रेंग'सारजों एक्टि खालामनानै तामिल सावथुनाव मुंदांखा जानो हादों। 1999 माइथायाव बिथानि डैब्यु खालामनाय 'लाभार्स' डे' सावथुनआ गोबां हिट जादोंमोन। जायजों बिथाडा मोनानि गेजेरावनो सुपारस्टर जानो हादोंमोन। हारियाणानि कु णाल सिं

फावखुंगुरआ तामिल सावथुनाव गावनि मुंखौ जर'खा सिनायथि होनो हादों। बिथानि सावथुन पर्बाइ अथे पथामे 2001, पुनकाइ देसम आरो गरुशामल्लम भसन्तम सावथुनफोरा नायगिरिफोरनि गोसोखौ मुहि होनो हादोंमोन। बिथानि जोबथा सावथुन नानबनिन कथलीआ 2007 आव रिलिज जादोंमोन। कुणाल सिंआ फावखुंगुरनि अनगायैबो बिथाडा एसिस्टेन फिल्म इडिटर आरो प्रडिउसारबोमोन। बिथानि जिउ खानाया गोरलै नडमोन। बिथानि जुलिया अनुराधाजों जादोंमोन आरो सानै फिसाजोबो दडमोन, नाथाय माखासे खौरंगिरिफोरनि बादिल्ला, बिथानि रड्ज्यो जानाय

जिउआ गोबां दुखु-खस्टजों बुं फ बनयायमोन। अनुराधाआ कुणालखौ बिथानि फावखुंगुरि लोगो लबिना भाटियाजों गोथो सोमोन्दो दड' होनानै सन्देह खालामदोंमोन। बेनि थाखायनो अनुराधाआ गावनि फिसाफोरजों लोगोसे गावनि बिमा-बिफानि न' आहमेद नोगोराव थाहेंदोंमोन। 7 फेब्रुवारि 1008 आव कुणालखौ लबिनानि मुम्बाइनि प्लेटआव पांकायाव गावखौनो जिउ फोजोबना लानाय थासारियाव मोनो। बे समाव कुनालआ हिन्दी सावथुन यगिआव खामानि मावगासिनो दडमोन आरो थैनायनि माखासे घन्टा सिगां लबिनाआ प्रडाक्सन टिमजों लोगोसे मिर्टिआव दंफायोमोन। बे जाथायखौ मिबथिनानै लबिनाखौ पुलिसआ जिम्मायाव लायो, मानोना बे जाथाय जानाय समाव लबिनाआ बैयाव दडमोन। लबिनाआ बुंदोंमोनदि, बियो 10 मिनटनि थाखाय वास रुमआव थांदोंमोन आरो फैफिन्नाय समाव कुणालखौ फांकायाव दिन्नाय थासारियाव नुनो मोन्दों। नाथाय फोरमानथिनि आंखालाव

लबिनाखौ उदां खालामना होनाय जादोंमोन आरो पुलिसआ बिखौ गावखौनो जिउ फोजोबना लादों होन्नानै फोसावदोंमोन। पुलिसनि बादिल्ला, कुणालआ काराटे ब्लेक बेल्टमोन आरो गावखौनो गाव रैखा खालामनो हायोमोन। गिबि समावबो बिथाडा गावनि आखान्थियाव हानानै लाना जिउ फोजोबना लानो नाजादोंमोन बबेखानि कुणालनि बिफा कर्नेल राजेन्द्र सिंआ बे जाथायनि सायाव रोखा जायाखैमोन। बिथाडा बुं दों मोनदि, कु णालनि गोथै सह'आव फिसा-फिसा हानायनि दागो दडमोन होन्नानै बुं दोंमोन। जायखौ बुथारनायनि सन्देह खालामथावयो। बिथानि बादिल्ला, कुणालखौ बुथारनानै फासि फोनांदों होन्ना सन्देह खालामदों। बे बायदिनो कु णालनि थैनायनि गुबै जाहोनफोरखौ दिनैसिमबो नंगुबै फोरमान दिन्थिफुंनो हायाखै, जायनि थाखाय बिथामोननि थैनाया सावथुन मुलुगाव रहस्य जानानै थाबाय।□

64 बोसोर बैसोनि सुपारस्टर महनलालनि सावथुनआ बाजेटनि 5 गुन आर्जिदों

मा ला या ल म सावथुननि सुपारस्टर महनलालनि अन्सायगिरिफोरा बिथानि गोदान सावथुन 'थुड्म' नि अटिटि रिलिजखौ गोसो गुदुडै नेगासिनो दं। गिबियाव बेखौ फोसावनाय जादोंदि, महनलालनि एक्शन-थ्रिलर 'थुड्म' आ 23 मेआव डिजिटेल प्लेटफर्मआव फैगोन नाथाय दा बेनि अटिटि रिलिजनि सिगां मोनसे गोदान महरआ नुजाथिदों। तरुण मुर्तिजों दिथाहोजानाय बे सावथुना केरालानि सिनेमाहलफोराव जोबोद गोहोम खोख्लैदों, जाय बकस अफिसआव गोबां रेकर्डफोरखौ सिफायदों। बांसिन थियेटरफोरा दासिमबो बे सावथुननि मोनबै स्व' सोलिगासिनो दं। बेबादिनो महनलालआ फिन खेबसेबाव फोरमान खालामबायदि, बिथाडा भारतआरि सावथुननि बयनिखुइबो अनजाथावसिन सुपरस्टरफोरनि गेजेराव सासे। थुड्म'नि अनगायैबो महनलालहा आरोबाव मोनसे सावथुन दं, जाय



2025 मायथाइयाव बकस अफिसआव जोबोद मोजां बुधुमदों। 27 मार्चआव फोसाव जानाय 'एल2: एम्पुरान'आ मुलुगनाडैनो 250 कौटि रां खामायदों। बेनि गेजेराव, 'थुड्म'खौ 25 एप्रिलआव सिनेमाहलाव रिलिज खालामनाय जादों। 50 कौटि रानि बाजेटजों बानायनाय 'थुड्म'आ फ्राय 224 कौटि रां बुधुमदों। बे सावथुनाव महनलाल आरो शभनाखौ गोबाव समनि उनाव जयै नुनो मोन्दों। 'थुड्म'खौ एम रन्जितआ राजपुत भिजुअल मिडियानि बेनारनि सिडव दिहुनदों। महनलालनि

'थुड्म'खौ अटिटि प्लेटफर्म जिय' हटस्टाराव रिलिज खालामनाय जागोन। बबेखानि, बेनि अटिटि रिलिजखौ माखासे समनि थाखाय दोन्थ'नाय जादों मानोना बे सावथुना दासिमबो 1 दाननि थाखाय थियेटरफोराव रां खामायगासिनो दं। गावनि उननि बोसोरफोरावबो, सु पार स् टार खौ गावनि सावथुनफोरखौ सोमोनांथाव खालामनो थाखाय बायदि रोखोमनि खैफोदफोर लानाय नुनो मोन्दों। महनलालआ फोरमान खालामबायदि, बियो दासिमबो एक्शन किं।□

करण जौहरनि मोजां मोनलायनायनि सायाव बानायनाय सावथुना गोबां रां आरजिदोंमोन

बलिउड सावथुन दिहुनगिरि करण जहरआ बावैसो कान्स सावथुन फोर्बोंआव बाहागो लादों आरो रेड कार्पेटआव गावनि नुजाथिनायखौ मोन्दानो हादों। करण जौहरआ दिथागिरि नीरज चायवान आरो सावथुननि स्टर

कास्टजों लोगोसे, इशान खट्टर आरो जान्हवी कपुरजों लोगोसे बिथानि प्रडाक्शन हाउसनि सिडव दिहुनजानाय सावथुन 'हमबाउन्ड' नि प्रीमियारनि थाखाय गेजेर हायुंआरि सावथुन फोर्बोंनि बाहागोमोन। करणआ 1998



2025 माइथायनि कान्स फिल्मस फेस्टिभेलआव जाफार फानाहिनि सावथुनआ बान्था मोन्नो हादोंमोन

2025 नि कान्स फिल्म फेस्टिभेलआ थांनाय 24 मेआव रंगिना-संगिनायै खुंफुंजादोंमोन। जेराव मुलुगनाडैनो सावथुनफोरा गाव गावनि टेलेंटफोरखौ दिन्थिनानै सोमोनांहोदोंमोन। बे खेबनि फेस्टिभेलआव फिल्म स्टरफोराल' बाहागो लायाखैमोन, बबेखानि बेवहाय मोनसे सोमोनांथाव दिन्थिफुंनायजों रंजनायनि दोहो सोर्मजिहोदोंमोन। मख'नो गोनांदि, फ्रेन्डस रिबेराआव खुंनाय बे फेस्टिभेलआव सासे बिथोनगिरिया बयनिखुइबो देरसिन बान्था मोनो। जाय बिथाडा जेलनिफ्राय उदां जानायनि उनाव गावनि जिउनि जाथायफोरखौ सावथुननि महर होनानै दिन्थिफुंनोदोंमोन। जाफर फानाहिनि सावथुन' इट वास जास्ट

एक्सिडेन्ट' खौ पाल्म डिआरनिफ्राय बान्था होनाय जादों। बे सावथुना बिथानि जेलआव थांनाय माखासे मोन्दांथिफोरखौ थुलुंगाखां होदोंमोन, जेराव सा 5 गावखौ इनाय-अयथासार खालामग्रा जेलारफोरखौ किडनेप खालामनानै गोखोडै खिथेर होखारफिन्नाय जादोंमोन। इरानआव गोबां खेब जेलआव जोबनानै दोनजानाय फानाहिआ गावनि हादतनि उदांसिनि सोमावसासनायाव बाउसोमदों। बेनो बिथानि गिबिसिन पाल्म डिआरनि देहानाय। बेजों लोगोसे बिथाडा कान्स भेनिस आरो बार्लिननि टप एवार्ड देरहासारनो हानाय 6थि बिथोनगिरि जानो हादों। नैथियाव बयनिखुइबो देरसिन एवार्ड ग्रेन्ड



फिक्स बान्था मोन्नो हादोंमोन ज्वासिम क्लायारनि सेन्टिमेन्टेल भेल्युआ। बे सावथुना मोनसे

सावथुन बानायग्रा आरो बिनि फिसाजोनि सोमोन्दोखौ सान्थावना सल' बायदि दिन्थियो,

जेराव स्टिलन स्कार्सगार्ड आरो रेनार्ट रेन्सभेआ गोसो मुहिनो हाथाव फाव खालामदोंमोन।

जुरिनि बान्थाखौ मोन्नै सावथुन अलिभार लेक्सस शिराग आरो मारा शिल्सिस्कनि साउन्ड अफ कल्लिनि गेजेराव रान्नाय जादोंमोन। ब्राजिलनि क्लेबर मादाशा फिल्हआ बयनिखुइबो साबसिन बिथोनगिरि आरो भेगनार मराआ दा सेक्रे ट एजेन्ट सावथुनाव बयनिखुइबो साबसिन फावखुंगुर महरै बान्था मोन्नो हादोंमोन। नाडिया मिल्लीलटिआ दा लिटिल सिस्टार सावथुनाव बयनिखुइबो साबसिन फावखुंगुर महरै सायख' जादोंमोन। जिन-पियारै आरो ल्युक डार्डेनआयं माडार्सनो बेस्ट स्क्रिनपले बान्था मोन्दोंमोन, जेराव बि गाननो रेसरेक्शननो जर'खा बान्था होनाय जादों।□

माइथायाव ब्लकबास्टर हिट 'कुछ कुछ होता है' जों दिथा होनायाव आगान होजेनो। थांनाय माखासे बोसोरफोराव बिथाडा 'कभी खुशी कभी गम..', 'माई नेम इज खान', 'स्टुडेन्ट अफ द इयार' आरो 'ऐ दिल है मुश्किल' बायदि गोबां हिट सावथुनफोरखौ दिथा होदोंमोन। नाथाय नोंथाख मिबथियोना रणबीर कापुर, अनुष्का शर्मा आरो एश्वर्या राय बच्चननि सावथुन 'ऐ दिल है मुश्किल' आ करण जौहरनि नंगुबै जिउआव मोजां मोन्नाय आरो गोसोखौ दुखु होनायनिफ्राय थुलुंगा होनाय सावथुन। मुंदांखा दिथागिरि आरो दिहुनगिरिया आधिखालाव 53 बोसोर बैसोआव आगान होदों। राज शमानीनि इडुटप पडकास्ट स्व' 'स्पीकिं विद राज शमानी'

आव बावैसो जानाय मोनसे मोगा-मोगियाव करणआ गावनि नागारनो रोडैमोजां मोनलायनायनि मोनदांथि आरो 2016 माइथायनि सावथुन 'ऐ दिल है मुश्किल' सल'नि सायाव खुलायै सावरायदोंमोन। बिथाडा गावनि मोजां मोनलायनायनि मोनदांथिखौ 'साजा होनाव' आरो 'बुहुमनि बयनिखुइ गात्रिसिन मोन्दांथि' महरै बरनायदों। बिथाडा बै रोखोमनि जिंगासिनायखौबो फोरमायदोंमोन जायखौ बिथाडा नागारनो रोडै अनलायनायनि समाव बारलांदोंमोन। करणआ बुंदोंदि, नागारनो रोडैमोजां मोन्नाया दुखु गोनांमोनब्लाबो बेयो बिथांखौ गोखोंसिन खालामदों।□

बिरेन्द्र लाख्वाआ भारतनि जुनियर हकी हान्जानि लेडाइ कच सायख' जादौं

गोदान दिल्ली, 25 मे: भारतीय हान्जानि बारग' डिफेन्डर बिरेन्द्र लाख्वाआ भारतीय जुनियर हकी हान्जानि लेडाइ कच महैर बिबानआव थिसनजाबाय। हकी हान्जाआ सोलिफु बोसोरनि जेबनायाव खुंजानो गोनां जुनियर वर्ल्ड कापनि सिगां बिथांखौ बिबानआव थिसन्दौं। लाख्वाआ बिबानआव हान्जानि बारग' लोगो गेलेगिरि आरो जुनियर हान्जानिनो गाहाइ कच पिएर श्रीजेशजौं हाबा मावगोन। बिथाडा 2010 आव भारतनि थाखाय डेब्यु खालामनायनि उनाव हादरनि गोखौं डिफेन्डरफोरनि गेजेराव जायगा मोन्दौंमोन। जायनि फारिआव 2012 आव लन्डल अलिम्पिक आरो 2020 आव टकिय अलिम्पिकआव हादरनि जाना नै जा रिमिनारि ब्रन्ज मे डेल देरहादौंमोन। बेजौं लोगोसे एसियान गेम्स आरो कमनवेल्थ

आसाम पेरालिम्पिक आफादखौ गोदानै दाफुंनाय जाबाय



गुवाहाटी, 25 मे: पेरालिम्पिक एस'सिएसन अफ आसामआ सरासन्खा एसेमब्लि जथुमनि गेजेरजौं एस'सिएसनखौ गोदानै दाफुंनानै लाबाय। काजिखआव लानाय बे जथुमनि गेजेरजौं 2025-29 बोसोरारि समनि थाखाय एस'सिएसननि मावफुं आफादखौ दानाय जादौं। गोदानै दाफुंजानाय बे

नभाक जकभिचआ सेन्सुरि बिमुं आबुं खालामबाय

जेनेभा, 25 मे: साबियानि मुंदांखा टेनिस गेलेगिरि नभाक जकभिचआ केरियारआव 100 थि बिमुं देरहानायखौ आबुं खालामबाय। बे फारिआव बिथाडा जेनेभा फाइनालाव हुबार्ट हुकांजखौ 5-7, 7-6(2), 7-6(2) स्करआव फेजेन्दौं। जेराव बादायनाया 3 घन्टा 5 मिनिटसिम सोलिदौं। खेब 24 ग्रेन्डस्लेम देरहानाय जकभिचआ थांनय बोसोराव पेरिसआव जालांनय माड्डेन अलिम्पिक गल्ड मे डेल देरहानायनि उननिफ्रायनो मोनबो बिमुं देरहायाखैमोन। जेराव बिथाडा जोबथा खेब टुर लेभेलनि बिमुंखौ 2023 आव जालांनय एटिपि फाइनालाव देरहादौंमोन। जकभिचनि थाखाय बेयो डाच अपेनआव गिबियै बिमुं देरहानाय। मानोना बिथाडा बेबादि अपेननि क्लेकर्ट दुर्नामेन्टआव जोबथा खेब 2006 आवसो सिलीनि बादायारि निकलास माटसुखौ फेजेन्दौंमोन। मख'नाय जायोदि, जकभिचआ 100 थि बिमुंनि थाखाय गोब्राबै नाजाबोदौं। मानोना थांनय खेब 6 बादायनायाव बिथांनि फाइनालाव जेन्नाय-देरहानाया गाहायाव थाहैदौं। 28 बोसोर



गेम्सआवबो बिथाडा हान्जाजौं मेडेल देरहादौं। भारतनि हान्जाआ फै गौ 28 नभेम्बर, 10 डिसेम्बरआव चेन्नाइ आरो माधुराइआव खुंजानो गोनां जुनियर मेन्स वर्ल्ड कापनि थाखाय थियारि जागासिनो दड। जेराव लाख्वाआ गाहाइ कचजौं थियारि खालामनायाव मदद होफागोन। बे बिबाननि थाखाय सायख'जानाय लाख्वाआ गावखौ मानगोनां मोन्दौंदौं होन्ना फोरमायो। जेराव भारतनि जासि गान्नायनि थाखाय गावनि हाबा मावनां गौखौ मोजाडै मावलांगोननि खोथा होयो।

कमिटिआव चन्दन कुमार बरुवाआ आफादगिरि आरो राजिब देआ नेहाथारि महैर सायख'जादौं। बिथांमोननि बिबानआव पेरालिम्पिक आरो पेश गेलेगिरिफोरनि गेजेराव जर'खा जौगानाय फैगोनखौ मिजिथिदौं। बे जथुमनि गेजेरजौं खगेन चन्द्र कलिताआ रां दोन्थुमगिरि आरो रिनिकी भुजान शर्माआ एस'सिएसननि सिफ पेट्रन महैर सायख'जादौं। गोदानै दाफुंजानाय बे आफादआ पेश गेलेगिरिफोरनि गेजेराव जर'खा नोजोर लाखिगोन आरो बिथांमोननिफ्राय राइज्योनि खेला गेलेगिरिफोरबो गेलेनायाव जर'खा जौगानाय लाबोगोनखौ मिजिथिदौं।



बैसोनि हुकांजखौ बिथाडा गोबां समावनो दबथायदौं। 38 बोसोर बैसोनि जकभिचआ जा रिमिनआव 100 थि बिमुं दाहैनो हानाय थामथि गेलेगिरि जाबाय। जेराव बिथांनि सिगां जिम्मि कन्नजआ 109 बिमुंजौं

लिभारपुल, 25 मे: लिभारपुलनि लीग बिमुं देरहानायाव जर'खायै बिहोमा होनायनि थाखाय महम्मद शालाहआ 2024-25 प्रिमियर लीगनि थाखाय प्लेयार अफ दा सिजन बिमुंनि थाखाय सायख'जादौं। लिभारपुलनि फरवार्ड शालाहआ नैथि खेब गावनि केरियारआव बे बिमुंखौ

सिगां फार्से श्रीजेशआ बिरेन्द्रजौं गावनि जुथायै हाबा मावनो मोन्नायखौ गोजोन्नाय फोरमायदौं। जेराव सिगां समाव बिथांजौं जुथायै गेलेबोनाय महैर गावसोरनि सोमोन्दोआ गोखौंसिनआव दड होन्ना फोरमायो आरो जुथायैनो हान्जानि जौगानायनि थाखाय हाबा मावलांगोननि खोथा होदौं।

किदाम्बि श्रीकान्तआ मालएसिया मास्टार्सनि फाइनालाव जेन्नांबाय

गोदान दिल्ली, 25 मे: भारतनि गेलेगिरि किदाम्बि श्रीकान्तआ मालएसिया मास्टार्स सुपार 500 बेडमिन्टन टुर्नामेन्टआव जेन्नांबाय। हौवाफोरनि सिंगेल्स फाइनालाव मुलुगनि ब्रैथि नम्बरनि चीननि गेलेगिरि ली शि फें नि हेंथायै भारतनि बेडमिन्टन गेलेगिरिआ थौंजौं सेटआव जेन्नादौं। जोखोमनि जाउनाव थांनय माखासे समफोरव खाबुखौ खोमानांनय श्रीकान्तआ मालएसिया मास्टार्सआव मोजां फर्मजौं बिमुंनि बादायनायसिम सौहैदौंमोन। जेराव 34 बोसोरनि भारतनि गेलेगिरिआ 6 बोसोरनि गेजेराव गिबियै बिडब्लिउएफ वर्ल्ड टुर फाइनालाव सौहैदौंब्लाबो बेरेखा गेलेगिरिनि सेलेन्जखौ बारनायाव फेलें जादौं। बिथाडा क्वालिफायरनिफ्राय लानानै

गोदान दिल्ली, 25 मे: सा-सान्जा राइज्योखौ गेलेमु रौगथिनि पावारहाउस महैर फोरमायनानै लाइमोन जौगाखां आरो गेलेमु बिफाननि मन्थि मन्चुक मान्डभियाआ फोरमायनाय बादिब्ला, भारत सरकारआ सा-सान्जा राइज्योआव गेलेमुनि आसार-खान्थिखौ जौगाहोनो थाखाय जर'खा हाबा मावगोननि खोथा होदौं। बिथाडा मिथिहोनाय बादिब्ला, सा-सान्जा राइज्योआव माखासे गेलेमुवारि हाबाफारि जैरै खेल' इन्डिया नर्थ-इस्ट गेम्सखौ बोसोफ्रोमबो दर 8 सा-सान्जा राइज्योआव बान्जायनानै ओन्सोलाव गेलेमुखौ जर'खायै जौगाहोनो



बिमुंसिम बादायनायसिमआव गोखोडै दिन्थिफुं दौब्लाबो फाइनालाव गोबां गोरोन्थि खालामनाय फिथाइ महैर 36 मिनिटआव 11-21, 9-21 स्करआव जेन्नाडो। जेन्नायनि उनावनो श्रीकान्तआ गावनि दिन्थिफुं नायनि सायाव फोथायनाय लाखिदौं। मानोना बिथाडा सोलिफु दाननि जागायजेन्नायावबो 82 थि नम्बरआव दावख्खायदौंब्लाबो सिगां समाव दिन्थिफुं नाय फर्मखौ लाखिदौं। मख'नाय जायोदि, 2019 आव जालांनय



जेराव बिथाडा गासै 46 गल



नोजोर लाखिदौं। मिरु गेलेमु मन्थिआ राइजिं नर्थ-इस्ट इन्भेस्टर सामिट 2025 नि थाखाय लानाय खौरंगिरि मेलआव ओन्सोलाव मिरु सरकारनिफ्राय बेबादि गेलेमुनि

इन्डिया अपेनआव बिडब्लिउएफ वर्ल्ड टुरनि फाइनालाव सौहैनाय श्रीकान्तआ 2021 आव वर्ल्ड सेम्पियनसिपआव सिलभर मेडेल देरहादौंमोन। बेनि सिगां 2017 आव बिथाडा मोनब्रै बिडब्लिउएफ बिमुं देरहानाय भारतनि गिबि गेलेगिरि जानायनि अनगायै भारतखौ हान्जायारि इभेन्टआव कमनवेल्थ गेम्सनि सनानि मे डेल देरहानायाव बिहोमा होदौंमोन।

आसाम चेस प्रिमियरलीगआ जागायबाय

गुवाहाटी, 25 मे: अल आसाम चेस एस'सिएसनआ अल इन्डिया चेस फेडरेशननि मददजौं आसाम चेस प्रिमियर लीगखौ फारफ्रोमबो थियारिथिजौं नोगोरमायाव बान्जायदौं। फ्रेन्चाइस बेस चेस टुर्नामेन्टनि महाराव खुंजानाय बे इभेन्टनि गेजेरजौं राइज्योनाडै चेसखौ जौगाहोनायनि थांथिजौं खुंफुंदौं। खौरंगिरिनि मोगा-मोगिआव अल इन्डिया चेस फेडरेशननि गाहाइ एके भर्माआ बेबादि इभेन्टनि थिरांथा लानायखौ बाख्यायदौं। जेराव आसामजौं लोगोसे सा-सान्जा राइज्योआव बेबादि टुर्नामेन्टजौं चेसनि अन्सायजानाया गोखैयै जौगागोनखौ मिजिथिदौं। सिगां फार्से बिथाडा आसामनि बेबादि बान्जायनायखौ गोजोन्नाय फोरमायनानै ओन्सोलायि

जेराव बिथाडा गासै 46 गल सोनायजौं गावनि गोहोखौ



गेलेगिरिफोरा बेनि गेजेरजौंनो आवगायनायनि लामाखौ मोनगोन आरो हादरनि गोजौं थाखोनि गेलेगिरि जाहैनो हागोनखौ मिजिथियो। जेराव टुर्नामेन्टआ गाहाइ थाखोआव गिबियै बिसोरनि रंगथि आरो गोहोखौ गोखौं खालामगोन होन्ना बिथाडा मिजिथिदौं। साननैनि हाबाफारिजौं खुंजानाय

दिन्थिफुंनो हादौं। 32 बोसोर बैसोआव शालाहआ फारियै रेकर्डखौ सिफायगासिनो दड। जेराव बिथाडा बे सिजनआव लिभारपुलनि अलटइम स्करार लिस्टआव 244 गलजौं थामथिआव जायगा मोन्दौं। बिथाडा सिजनखौ 11 थि बांसिन स्करार महैर प्रिमियर लीगआव जागायदौंब्लाबो

लोगोआव गेलेमुनि आबहावाआबो जौगानो हमदौं। जेराव सा-सान्जा राइज्योआनो माखासे बोसोरनि उनाव मुलुगनि मोनसे गेलेमु मिरु जागोन होन्ना नै बिथाडा फोथायथि



उइकेट लाबाय। बेबादि थासारिआव 3 उइकेट लायोब्लानो बिथाडा आइपिएलआव थामथि बयनिखुइ बांसिन उइकेट लानाय बलार जागोन। आइपिएलआव बांसिन उइकेट लानाय रेटर्डआ स्पिनार युजबेन्द्र सहलनि मुडव दड। जेराव सहलआ खेब 172 मेचआव 219 उइकेट जौं गिबिआव दड। जायनि उनाव

आसाम चेस प्रिमियरलीगआ जागायबाय

इभेन्टआव मोन 8 हान्जानिफ्राय सा 56 गेलेगिरिफोरा बाहागो लाफैदौं। जायनि फारिआव सा 5 ग्रेन्ड मास्टार आरो सा 6 इन्टारनेसनेल मास्टार्स गेलेगिरिफोरबो बाहागो लादौं। सहिल देआ आसामनि गिबि इन्टारनेसनेल मास्टार्स जानाय महैर बाहागो लानानै बादायारिफोरखौ शुलुंगा होदौं।

फारियै आवगायनानै बाथि मासिआव सौहैदौं। जेराव बिथांनि गलआ 185 गलसिम सौहैबाय। बिथाडा सोलिफु सिजनआव हान्जानि बांसिन स्करार जानो हादौं। बे बान्थाखौ अन्सायगिरिफोरनि भर्तनि गेजेरजौं देरहादौं। जेराव सा 8 गेलेगिरिफोरनि शर्टलिस्टआव बिथाडनो बांसिन भट मोनो हादौं।

होदौं। लोगोसे भारतनि साबसिन एथलीटफोरा सा-सान्जा राइज्योनिफ्रायनो ओंखारबोयो होन्ना फोरमायदौं। बे समाव बिथाडा फोरमायनाय बादिब्ला, सा-सान्जा राइज्योनि गेलेगिरिफोरजौंनो भारतआ गुबुन गुबुन हारिमायारि बादायनायफोराव जर'खा सिनायथिजानो हादौं। बे समाव बिथाडा खेल' इन्डिया इयुथ गेम्स आरो इडनिभासिटि गेम्सनि गेजेरजौं बोसोरफ्रोमबो गेलेगिरिफोरा हारिमायारि थाखोआव थांनयनि लामाखौ मोनजेन्नो हायो होन्ना फोरमायदौं।

भुबनेस्वर कुमारआ 187 मेचआव 194 उइकेट जौं नैथिआव दड आरो सुनिल नेसआ 190 उइकेटजौं ब्रैथिआव दड। सुनिलआ उइकेट लानाय फारिआव ब्रैथि मासिआव दडब्लाबो सोलिफु आइपिएलआव मोजाडै दिन्थिफुंनो हायाखै। मानोना खेब 11 मेचआव बिथाडा 10 उइकेटल' लादौं।